

Marcos lelpox Jesucristo pejwɛajan

*Juan, jiw bautisan, pajilaxtat naewɛajanpox
(Mt 3.1-12; Lc 3.1-9, 15-17; Jn 1.19-28)*

¹ Chimiawɛajan, Jesucristo pejwɛajan, tɛadut wɛt, ma-aech. Japon pajut Dios paxɛlan. Xan Marcos lelx ampafut jiw chiekal matabijaliajwa japawɛajan.

² Profeta Isaías lel Dios jum-aechpox Jesucristo-
liajwa, jum-aech wɛton:

“Wɛa, xam wɛajna xan to'axaelen tajprofeta, japon jiw naewɛajnalijwa tajjamechan, xam naexasislijwapi, patam wɛt jaxot” — aech Dios, chajia jum-aech wɛt Jesucristo-
lijwa.

³ Isaías chajia lelpox jum-aech Juan, jiw bauti-
sanliajwa:

“Aton pajilaxtat nejlat wɛt, jumchiyaxaelon jiwliajwa: ‘¡Thilde wajpaklokolan pasax wɛajna! Samata, ¡kofim babijaxan isampoxan! Me-ama jiw wɛajna nɛamt chiekal chaemt wɛt paklon pasliajwa, ¡xamal ja-amde nejnejchaxoelaxan! ¡Isfulde Dios nejxasinkpoxan!’ —chiyaxaelon pajilaxtat, nejlat wɛt jiwliajwa” — aech Isaías chajia lelpox Juan, jiw bautisanliajwa.

⁴ Do baxael, Isaías chajia jum-aechpox, ja-
aechlisox japon atonliajwa. Japon aton patlison.

Japon pawul Juan. Do jawut, Juan jiw bautisaful pajilaxxot. Naewhajanbejpon. Jaxotde xabich jiw fulaen naewesliajwas Juan naewhajanpox.

⁵ Xabich Judea tujnupijiw fulaen, Jerusalén paklowaxpijiwbej. Jawut Juan jum-aechful japi jiwliajwa: “iKofim babijaxan isampoxan! iSfulde Dios nejxasinkpoxan! Ja-am wut, Dios beltaeyaxael xamal babijaxan isampoxanliajwa. Do ja-aech wut, xamal bautisaxaelen” —aech Juan jiwliajwa. Samata, japamatkoiyan jiw jalpaei babijaxan ispoxanliajwa, Dios beltaeliajwas babijaxan ispoxanliajwa. Do jawut, Juan japi jiw bautisa Jordánlajtat.

⁶ Juan pijax naxoelax isas camellolatat. Pejcin-turónmhat pabukal. Pejnaxaeyaxan, me-ama sui'. Afpon miel.

⁷ Juan naewhajan wut, jum-aechon: “Mox pawhajan kaen aton fulaeliajwadin. Japon kaes pejme paklonaxael. Me-ama xan, jachiyaxilon. Xan omjinil japon pejkajachawaesnanliajwa.

⁸ Diachwhajnakolax xan jiw bautisax mintat, japi kofa wut babijaxan ispoxan. Pelax pasaxaelpon, japon kaes paklonaxael. Samata, to'axaelon Espíritu Santo jiw kachawaesfulaliajwas” —aech Juan Cristoliajwa.

Jesús bautisas-pox
(Mt 3.13-17; Lc 3.21-22)

⁹ Japamatkoiyan Jesús nakolt Nazaret paklowaxxot, Galilea tujnuxot. Fulaekon Juan poxadik. Jawut Juan bautisa Jesús Jordánlajtat.

¹⁰ Jesús jul wut mintat, jawut taenon athu fafachpox. Jawut Espiritu Santo fuloek a-utat japon pejmatwujasik. Me-ama a-ut, kabuan-aech Espiritu Santo.

¹¹ Do jawut, Jesús jumtaenbej athusik jum-aechsikpox, Dios jum-aechsik wut ampox: “Xam taxulnam, xabich nejxasinkaxponam. Xabich nechachaemlax xamliajwa” –aech wut pax Dios Jesúsliajwa.

Jesús xapaejaspox Satanás

(Mt 4.1-11; Lc 4.1-13)

¹² Do jawux, Jesús bu'fos Espiritu Santo pajilax poxade.

¹³ Pajilaxxot wut, namanlison cuarenta matkoiyan. Jaxot pejmachoeffkal maenk. Do jawut, deppaklon pat. Japon pawul Satanás. Japon xapaaja Jesús babijax isliajwa. Do jawux, Satanás chijia Jesúsxot. Do jawutbej, Dios pej-ángeles fuloek japi kajachawaesliajwa Jesús.

Jesús tjadutpox naewujajna Galilea tujnuxot

(Mt 4.12-17; Lc 4.14-15)

¹⁴ Asamatkoi Herodes, Galilea tujnupijiw tato'lan, to'apon pejsoldaw Juan jaelsliajwas, jiw jebatat jeliajwasbejpon. Do jawux, Jesús fulaech Galilea tujnu poxade. Jaxotde pa'a wut, jiw naewujajanlison chimiawujan, Dios tato'laxaelpox pejjiw.

¹⁵ Jesús jum-aech ampox jiwliajwa: “Patlisox japamatkoiyan, wujanawesfulasmatkoiyan Dios tato'laliajwa pejjiw. Samata, ikofim babijaxan

isampoxan! ¡Dios naexasisfulde japon xanabo-ejalialjwam! Patlisox chimiawuajan xamal naexasisfulalialjwam” —aech Jesús japi jiwliajwa.

Jesús tadutpox cuatro nabaxisiw japon pejnachalialjwas

(Mt 4.18-22; Lc 5.1-11)

¹⁶ Jesús Galilea pukababu'tat laeja wut, kolenje nabaxisiw taenpon. Kaen pawul Simón. Asan pawul Andrés. Japon Simón pakoewan. Japi taraya xawaejaba pukatat.

¹⁷ Jesús jum-aech:

—¡Xan nakfulaem! Xamal chiekal matabijam nabaxisaxan. Jasoxtatbej xamal chanaekabuanaxaelen jiw chiekal naewuajnalialjwam japi tajnachalialjwa, Dios pejjiwalialjwabejpi —aech Jesús.

¹⁸ Do jawut, pejew taraya waelapi asew jiwta, nakfulaelialjwapi Jesús.

¹⁹ Jesús kaes fulaech wut, asew kolenje, nabaxisiw, taenpon. Kaen pawul Santiago. Asan pawul Juan. Japon Santiago pakoewan. Falkamtat pejew taraya chaemti. Japi pax pawul Zebedeo.

²⁰ Do jawut, Jesús japi la nakfulaelialjwas. Do jawut, nakfollisi Jesús. Pax Zebedeo waelti falkamtat, kajachawaeti suapich.

Aton dep webaespo x pejmatpumatxot

(Lc 4.31-37)

²¹ Do jawux, Jesús, pejnachala suapich, pat Capernaum paklowaxxot. Napatamatkoi wut, lechi judíos naewuajnaba poxade. Do jaxot Jesús tudut jiw naewuajnalialjwa.

22 Chiekal naewhajanpon Dios pejjamechan. Me-ama judíos chanaekabhanapi naewhajan wut, jachi-elon. Samata, japi jiw xabich nejchax-oelachalak, Jesús naewhajan xot Dios pijaxtat.

23 Judíos naewhajnabaxot, aton nuk. Japon dep webaes pejmatpreatxot.

Do jawut, aton pejkaechatat dep nejlat wut, jum-aech:

24 —Jesús, Nazaret paklowaxpijnam, ¿xam achaxasiamkat xanalxot? ¿Xamkat fulaeman puexa xanal natoesliajwam? Xam matabijtax. Xam Dios paxhlnam, xabich pachaemamponam —aech dep, nejlat wut aton pejkaechatat.

25 Do jawut, Jesús jum-aech nejthaxtat depliajwa:

—¡Boejlachde! ¡Xam nakolde japon aton pejmatpreatxot! —aech Jesús depliajwa.

26 Do jawut, japon aton xabich tathulal dep pijaxtat. Dep nejlakcha wut, japon aton pejmatpreatxot nakoltlison.

27 Jawut puexa jiw xabich belwana, taen wuti japox, Jesús dep to'apox. Nakaewa nawhajnachaemsnap:

—¿Ma-aech xotkat dep nakolt, to'a wuton? ¿Achaxkat ampox, pajelnaewhajnax? Ampon aton, me-ama Dios to'aspon wut, ja-aechon. Ja-aech wut, dep nakolt —na-aechna jiw nakaewa.

28 Do jawux, Galilea thajnprijw potthajnaucha kamtalejen wultaenapi Jesúsliajwa.

*Jesús boejthapox Simón Pedro paem
(Mt 8.14-15; Lc 4.38-39)*

²⁹ Jesús nakolt wut judíos naew_uaj nabaxot, Jesús f_ulaech asaba poxade Santiago, Juan s_uapich. Japaba Simón pejba, Andrés s_uapich. Japabaxot pat wuti, lowpi.

³⁰ Jaxot Simón paem bu'xaenk Jesús pejpasax w_uajna. Okow camatat. Xabich bu't_uajnikow. Jawut asew japixot chapaeipi Jesús, Simón paem bu'xaenkpox.

³¹ Samata, Jesús mox soepan japowxot. Kefit wut, japow mat-eton. Jawut kamta japow chiekal boejth_uls. Bu't_uajax wejisalbejpow. Do jawut, japow pajut naxaeyaxan athuk Jesúsliajwa, japon pejnachalaliajwabej.

Jesús boejth_utpox xabich jiw bu'xaeya

(Mt 8.16-17; Lc 4.40-41)

³²⁻³³ Tuila wut, itk_uatnik wutbej, Capernaum paklowaxpijiw bafafaxot pati, Jesús dukbatatxot. Asew japixot bu'pat xabich bu'xaeya, dep webae-spi-bej pejmatp_uatantat.

³⁴ Do jawut, Jesús xabich bu'xaeya boejth_ut, ne-jmachwaxaetat bu'xaenkpi. Xabich dep nakolax to'abejpon, jiw pejmatp_uatanxot bapi. Ja-aech wut, Jesús tapae-el dep naksiyaliajwa, japi chiekal matabija xot japon Cristo, Dios to'aspon.

Jesús naew_uajanpox judíos naew_uaj nabachanxot

(Lc 4.42-44)

³⁵ Do kandiawasap wut, nalianaw_uajna wut, Jesús nathikt wut, nakoltlison japabaxot. F_ulaechon pajilax poxade, tamach pejlel Dios kaw_uajnalialjwa.

³⁶ Do jawut, baxael, Simón, pejnachala s_uapich, jalweki Jesús.

37 Faen w_{ut}, j_{um}-aechi Jesúsliajwa:

—Puexa jiw xam xabich w_{ul}wek —aechi.

38 Jesús j_{um}not w_{ut}, j_{um}-aechon:

—Chajias asapaklowaxan mox poxade. Japapaklowaxanpijiw naew_{uaj}naxaelen Dios pejjamechan. Samata, xan f_{uloekx} —aech Jesús.

39 Do jaw_{ut}, Jesús nan_{uam}t puexa Galilea t_{uaj}n_uxot. Kaenan_ula judíos pejnaew_{uaj}nabachantat, Jesús naew_{uaj}naf_{ul} judíos. Jiw dep webaespibej, dep nakolax to'apon japi jiw pejmatp_uatanxot.

*Jesús boejth_utpox b_u'xaenkpon leprawaxaetat
(Mt 8.1-4; Lc 5.12-16)*

40 Kaen, b_u'xaenkpon leprawaxaetat, f_{ula}enon Jesúsleldin. Pat w_uton, Jesús pejw_{uaj}nalel brixtat nukon, xabich sitaen xoton. Do jaw_{ut}, j_{um}-aechon Jesús j_{um}taeliajwa:

—Xan matabijtax xam naboejth_usaxaelampox. Xan naboejth_usasiam w_{ut}, j_{naboejth_u'e!} —aech leprawaxaetat b_u'xaenkpon.

41 Jesús xabich beltaen xot, b_u'xaeyan pejke-etat b_u'jachapon. Do jaw_{ut}, Jesús j_{um}-aech:

—Xam boejth_usaxaelen. Samata, malis chiekal pachaemam —aech Jesús.

42 Do jaw_{ut}, kamta chiekal boejth_ulson leprawaxae. Pej_u't chiekal wepachaemslison.

43-44 Jesús to'a w_{ut}, j_{um}-aechon nejth_u'axtat:

—j_{Asew} jiw nabej chapae' xam boejth_utxpox! j_{Xab_u'delax} sacerdote poxade, japon xam b_u'taeliajwa boejth_ulpox leprawaxae! Do jaw_ux, j_{chaxdu'e}, me-ama Moisés chajia lelpo_x j_{um}-aech Dios chaxdusliajwam ofrenda, leprawaxae

xam chiekal boejthul xot! Jasoxtat xam jiw matabijaxael chiekal boejthulpox japawaxae —aech Jesús.

⁴⁵ Do jawut, leprawaxae boejthulspón fúlaechlison. Pe owchi-elon Jesús jum-aechpox. Japon aton chapaeflax tʉaduton puexa jiw jumtaeliajwa Jesús pejwʉajan. Samata, Jesús tulaela pasaxil japapaklowaxanxot. Do jawut, Jesús atʉaj naejiat japapaklowaxan. Ja-aech wut, popaklowaxanpijiw fúlaech Jesús poxade, taeliajwapi japon.

2

Jesús boejthutpox nabejkan, japon chinax laejaxilpon

(Mt 9.1-8; Lc 5.17-26)

¹ Asamatkoiyawʉx, Jesús nawiat Capernaum paklowaxxotdin. Jawut japapaklowaxpijiw nakaewa najum-aech Jesúsliajwa: “Jesús kaweta naman batat” —aechi.

² Samata, xabich jiw wuluk japabatat. Ba xajʉpa-el, xabich jiw wuluk xotbej japabafafatat. Asew japixot atʉaxach bafafaxot nuilje. Do jawut, Jesús naewʉajan Dios pejjamechan puexa japi jiwliajwa.

³ Do jawut, kaen aton, laejaxilon, chaxfason cuatro poejiw, Jesús jiw naewʉajan poxadin. Japi fúlaen Jesús taeliajwa.

⁴⁻⁵ Cuatro poejiw mox pasaxil Jesúsxot, xabich jiw wʉajna ba wuluk xot. Samata, ba matwʉajase chaxjulachi, me-ama choeranae poxase. Jaxotse bamatwʉaj tukapi pinjiyax laejaxilon chakakofnaliajwadik Jesús poxadik. Chakakofan

wut, nejchaxoeli: “Diachw_uajnakolax Jesús boejth_ssaxaes ampon aton chiekal laejaliajwa” —aech cuatro poejiw, nejchaxoel wut. Jesús chajia matabijt japi nejchaxoelox. Samata, jum-aechon laejaxilon jumtaeliajwas:

—W_ua, xam beltaenx babijaxan chajia isampox-anliajwa, —aech Jesús.

⁶ Kaes_uapich judíos chanaekab_uanapi jaxot chalak. Jumtaen wuti Jesús jum-aechpox, japi nejchaxoel:

⁷ “¿Ma-aech xotkat Jesús Dios sitae-el? Japon naksiya xatis jumchiyaxisalpox. Nejmachjiw japox jumchiyaxil. Jasox naksiya wuti, is babijax Diosliajwa. Kaen Dios xaj_up beltaeliajwa jiw babijaxan ispoxanliajwa” —aech judíos chanaekab_uanapi, nejchaxoel wut.

⁸ Do jawut, Jesús chiekal matabijt japi nejchaxoelox. Samata, jum-aechon japiliajwa:

—¿Ma-aech xotkat xamal jasox nejchaxoelam xanliajwa?

⁹ Kaes pejme tampa xan jumchiliajwan laejaxilponliajwa: ‘Xam beltaenx babijaxan isampox-anliajwa’ —chiliajwan. Pe ja-an wut, jiw xan namatabijaxil xan puexa jiw pakoewkolnanponan. Jum-an wutlax nabejkan jumtaeliajwa: ‘¡Nandel! ¡Laejim!’ —an wut, japox jum-an wut, jiw diachw_uajnakolax xan namatabijaxael xan puexa jiw pakoewkolnanponan.

¹⁰ Xan ispoxantat xamal matabijaxaelam, diachw_uajnakolax, xan puexa jiw pakoewkolnanponan, xaj_upx ath_uxotse, ampathatatbej, jiw beltaeliajwan babijaxan ispoxanliajwa —aech Jesús judíos chanaekab_uanapiliajwa.

Do jawut, Jesús jum-aech laejaxilpon jumtaeliajwa:

¹¹ —Xam jum-an: ‘¡Nande! ¡Sumta-okampox fi'e! ¡Xalaemchbej nejba poxade!’ —an xan —aech Jesús.

¹² Do jawut, laejaxilon nant wut, sumta-okpox fit wutbej, chajialison. Jawut xabich jiw taenspon, fúlaech wut tathoetade. Samata, puexa jiw nat-achaemason. Nakaewa najum-aechnap:

—Dios, japon kaen, xabich mamnik. Majt chinax jasox tae-esal, me-ama ampox. Amwutjel jasox taens —na-aechi nakaewa.

*Jesús tadutpox Mateo pejnachalanliajwa
(Mt 9.9-13; Lc 5.27-32)*

¹³ Do jawux, Jesús fúlaech wut pejme pukababu' poxade, jawut xabich jiw pat Jesúsxot. Do jaxot jiw naewujajanlison.

¹⁴ Do jawux, Jesús naewujajanpox buxtoet wut, fúlaech wuton, taenon Leví. Japon asawul Mateo. Leví pax pawul Alfeo. Leví impuesto mat-omwuljoen Roma gobiernoliajwa. Leví ek impuesto mat-omwuljoebatat. Jaxot Jesús jum-aech:

—¡Xan nakfúlaem tajnachalnamliajwa! —aech Jesús.

Do jawut, Leví nant wut, nakfollison Jesús.

¹⁵ Xabich jiw, impuesto mat-omwuljoew, asewbej naexaxis-eli Moisés chajia lelpox, japi jiw nakfoli Jesús. Asamatkoi Jesús, pejnachala suapich, xael wuti Leví pejbatat, xabich impuesto mat-omwuljoew, asewbej naexaxis-eli Moisés chajia lelpox, japibej jaxot naxael.

16 Judíos chanaekabuanapixot, japi fariseos. Japi taen, Jesús xael wut, impuesto matomwuljoew sʉapich, asey jiw sʉapichbej, japi naexasis-eli Moisés chajia lelpox. Do jawut, japi fariseos wʉajnachaemt wut, jum-aechi Jesús pejnachalaliajwa:

—¿Ma-aech xotkat Jesús xael impuesto matomwuljoew sʉapich, asey jiw babejchow sʉapichbej? —aechi.

17 Jesús japox jumtaen wut, jum-aechon fariseosliajwa:

—Jiw woen woe-el nejchaempi, bʉ'xaenka-el xoti. Fulaenpon woeliajwa bʉ'xaeya. Ja-anlapis xan. Xan fulae-enil tadusliajwan pachaempi. Xanlax fulaenx tadusliajwan jiw babejchow, japi kofaliajwabej padujnejchaxoelaxan, naexasisliajwabejpi Dios —aech Jesús fariseosliajwa.

Asey jiw xae-elplex, piach Dios kawʉajnaliajwa wut

(Mt 9.14-17; Lc 5.33-39)

18 Asamatkoi Juan, jiw bautisan, pejnachala naxae-el, piach Dios kawʉajnaliajwa wuti. Fariseos pejnachalabej naxae-el, piach Dios kawʉajnaliajwa wuti. Do jawut, asey jiw japixot pat Jesúsxot. Pat wut, jum-aechi Jesús jumtaeliajwa:

—Juan pejnachala, fariseos pejnachalabej, naxae-el, piach Dios kawʉajnaliajwa wut. ¿Ma-aech xotkat nejnachala naxaelkatlax, piach Dios kawʉajnaliajwa wut? —aechi Jesús jumtaeliajwa.

19 Jesús wʉajantat jumnot wut, jum-aechon:

—Aton pawis fit wut, fiesta is wutbejpi, puexa jiw chiekal naxaeyaxael japonxot. Japi xabich ne-jchachaemlaxael, pajelnakjiyan dukaxael xotfuk jaxot.

²⁰ Asamatkoi japon asew jiw fe'naxaes wut, do jawut, taduchpi naxaeyaxil kaematkoian sʰapich, xabich nejxaejwaxaes xoti. Asamatkoi japox jachiyaxaesbej tajnachalaliajwa. Samata, tajnachala naxaeyaxil kaematkoian sʰapich, nejxaejwaxaes xoti, xan japixot ajilaxaelen xot, asew jiw xan nabu'fol wut —aech Jesús wʰajantat wʰajnaemtaspijiajwa.

²¹ Jesús pejme jum-aech wʰajantat jiw nakiowa naexasisfulpiliajwa pejwʰajnapijiw pejkabʰananpox:

—Pawis pejyiaf wexaxarwas wut, xape'tow nakaepadujbu'ch. Xape's-elow pajelbu'ch. Pajelbu'ch xape't wut, itkiat wutbej, mamu'al wut, kaes itkialaxael. Itkial wut, padujyiaf kaes pinjiyax thialfalaxael xape'txotow.

²² Jiw wʰlui-elbej pajelvino, padujchoxantat, isaspox choefbu'tat choxaliajwa. Jiw wʰlu wut pajelvino, choxa chathialfalaxael, pajelvino xabich xot pafak. Ja-aech wut, nafa'axael vino, choxabej. Samata, jiw wʰlu pajelvino pajelchoxantat —aech Jesús, naewʰajan wut jiw wʰajantat.

Judíos pejnapatamatkoitat Jesús pejnachala jolbalapox trigo

(Mt 12.1-8; Lc 6.1-5)

²³ Asamatkoi, napatamatkoi wut, Jesús, pejnachala sʰapich, fol trigolulanxot. Pejnachala fol wut, trigo jolbalapi xaelpaliajwa, litaxaela xoti.

²⁴ Kaes^uapichbej fariseos jaxot nakfol. Do jaw^ut, japi j^um-aech Jesúsliajwa:

—¿Ma-aech xotkat nejnachala japox is, xatis judíos naktapae-elpoxtat, napatamatkoitat w^ut? — aech fariseos Jesúsliajwa.

²⁵ Jesús j^umnot w^ut, j^um-aechon:

—Xamal matabijam, wajw^uajnapijin, waj-am rey David, ispo^x chajiakolaxtat, xabich litaxaela w^uton, pejsoldaw s^uapich.

²⁶ Jaw^ut David lech Dios pejba, xanan^uamsba. Japabatat w^uajna pan oel mesamatw^uajtat. Japapan Dios pej-ofrenda. Do jaw^ut, rey David japapan xael. Do jaw^utbej, chaxduwpon pejsoldaw, japi xaeliajwa japapan. Japamatkoitat Dios pejbatat sacerdotespaklokolan, japon paw^ulpon Abiatar, Dios pejtabernáculobatatron. Moisés chajia lelpox j^um-aech: “Japapan koew sacerdotés xaeliajwa, nabisti Dios pejbatat. Asew jiw xaeyaxil japapan” —aech Moisés chajia lelpox —aech Jesús.

²⁷ Jesús pejme j^um-aech:

—Jiw wewe'pas napatamatkoi. Samata, Dios is napatamatkoi jiw damlath^ulaliajwa. Dios is w^ut jiw, is-el asb^uan j^umch jiw sitaeliajwa napatamatkoi.

²⁸ Samata, xan puexa jiw pakoewkolnan, xaj^upx j^umchiliajwan jiw isaxaelpox napatamatkoitat — aech Jesús.

3

Jesús boejth^utpox kemamlan

(Mt 12.9-14; Lc 6.6-11)

¹ Asamatkoi Jesús lech judíos naew^uajnaba poxade. Japabatat w^uajna ek kemamlan.

² Fariseosbej jaxot, japi natachaema taeliajwapi Jesús, kemamlan boejthut wut napatamatkoitat. Japi tasalaliajwapi Jesús, japon is wut asax.

³ Do jawut, Jesús jum-aech kemamlanliajwa:

—iNande! jiw pejwujnalel nukde! —aechon.

⁴ Jawut, Jesús jiw wujnachaemt wut, jum-aechon:

—¿Achaxkat jum-aech Moisés chajia lelpox? ¿Achaxkat Dios naktapaei isliajwas napatamatkoitat? ¿Naktapaeikat isliajwas pachaempox? O, ¿isaxaeskak babijax? ¿Naktapaeikat boejthusliajwas bu'xaeyan? O, ¿boesaxaeskak japon aton? —aech Jesús.

Do jawut, puexa jiw boejlach nuil. Jumnos-elipon.

⁵ Jesús jiw masajiachpi. Ulanatachaemton, japi jiw matnaetink xoti matabijaliajwa. Nejxaejwas-bejpon, japi chiekal matabija-el xot. Do jawut, Jesús jum-aech kemamlanliajwa:

—iKeba'de! —aechon.

Keba't wut, pejke-e chiekal wepachaemslison.

⁶ Do jawut, fariseos japox taen wut, jaxot nakolapi. Baxael, natamejapi kaeyaxtat nospaeliajwapi, Herodes pejnachala suapich, boesaliajwapi Jesús.

Xabich jiw papasfulpox pukababu'tat, Jesús naewujanjapox jumtaeliajwa

⁷⁻⁸ Jesús fulaech, pejnachala suapich, Galilea puka poxade. Xabich jiw, Galilea tuajnujpijw, wuchakal fulaen. Wuchakal fulaenbej Judea tuajnujpijw, Jerusalén paklowaxpijwbej, Idumea tuajnujpijwbej, Jordánlajt wesklelpijwbej, Tiro

paklowaxpijiwbej, Sidón paklowaxpijiwbej. Puexa japi fulaen, wultaen wuti Jesús ispoxanliajwa jiwliajwa Dios pijaxtat.

9-10 Jaxot Jesús pukabab'at jiw naewhajan. Puexa jiw, bu'xaenki, Jesúslel fijabas, xabich asew japixot boejthut xoton. Japi bu'xaeya xabich jachasiapi Jesús. Jesús xabich jiw taen wut, pejnachala to'apon falkam waljaesliajwa, japon puka pamaklel chadukaliajwa falkamtat, xabich jiw tabe'nasamatas.

11 Jiw dep webaesi pejmatpuatanxot, japi Jesús taen wut, brixtat nuili japon pejwajnalel. Dep nejla'bala wut, jum-aechbalapi jiw pejkaechantat:

—Xam diachwajnakolax Dios paxulnam — aechbala dep jiw pejkaechantat.

12 Jawut Jesús nejth'axtat jum-aechon depliajwa:

—jNabej jum-aече' xan Cristowanponan! —aech Jesús depliajwa.

Jesús makanotpochoce apóstoles
(Mt 10.1-4; Lc 6.12-16)

13-14 Do jawux, Jesús pinamax julach. Jaxot Jesús pejnachala la julaliajwase, makanochpikal. Natameja wut japonxot, Jesús wulduw asew japixot apóstoles. Japi puexa, docepi, japi chalaliajwa Jesús. Jesús japi tato'al jiw naewhajnalajwa.

15 Jesús chaxdutbej Dios pejpamamax apóstolesliajwa, dep nakolax to'aliajwapi, jiw pejmatpuatanxot webaespi.

16 Doce poejiw makanochpi, japi kaenanwla pejwulan. Kaen pawul Simón. Jesús jápon wulduw Pedrowultat.

17 Asan pawul Santiago. Asan pawul Juan. Japon Santiago pakoewan. Japi kolenje Zebedeo paxi. Jesús asawultat wulduw japi kolenje pejnachalan, Boanergeswultat. (Japawul jumchiliajwa: “Chamax Paxi” –chiliajwa.)

18 Asan pawul Andrés. Asan pawul Felipe. Asan pawul Bartolomé. Asan pawul Mateo. Asan pawul Tomás. Asan pawul Santiago. Japon Alfeo paxulan. Asan pawul Tadeo. Asan pawul Simón. Japon majt asamatrijin, celotematrijin.

19 Asan pawul Judas Iscariote. Japonlap asamatkoi Jesús wiasaxael padaelmajiwxot.

Fariseos jum-aechpox Jesús pejpamamaxliajwa, Satanás pejpamamaxliajwabej

(Mt 12.22-32; Lc 11.14-23; 12.10)

20 Do jawux, Jesús ba lech wut, jawutbej, xabich jiw papasful japabaxot. Samata, Jesús, pejnachala suapich, xaeyaxil.

21 Jesús pakoew, pen suapich, wultaen wuti Jesús ispoxanliajwa, fulaeni Jesús poxadin, asalel buflaeliajwapi Jesús. Japi nejchaxoel wut, jum-aechi Jesúsliajwa: “Jesús na-acha” –aechi, nejchaxoel wut.

22 Do jawut, judíos chanaekabuanapi fulaen Jerusalén paklowaxxotdin. Japibej jum-aech: “Jesús to'a wut dep nakolaliajwa jiw pejmatpumatxot, to'apon Beelzebú pejpamamaxtat” –aechi Jesúsliajwa. Satanás asawul Beelzebú.

23 Jesús la judíos chanaekabuanapi jumchiliajwapon japi. Do japi pat wut, jum-aechon: “Satanás, dep pejpaklon, wepachaemaxisal dep to'aliajwapon, dep nakolaliajwa jiw pejmatpumatxot.

24 Kaetujajnapijiw nadijkaxael wut nakaewa nabeliajwa, japi natoesaxael nabeyaxtat.

25 Kaebapijiw nadijkaxael wut nakaewa nabeliajwa, japiwej natoesaxael nabeyaxtat.

26 Jachiyaxaellap-is Satanás, pejjiw suapich, nadijkaxael wut nakaewa nabeliajwa. Japi natoesaxael nabeyaxtat. Ja-aech wut, Satanás toepaxael” —aech Jesús judíos chanaekabuanapiliajwa.

27 Jesús pejme jum-aech: “Kaen natkowasia wut asabatat, japon leyaxil, bapijin wujajna wut batat, japon mamnik wutbej. Majt bapijin matat kuiyaxaeson. Do ja-aech wut, bapijin pejew nosaxael kethakan.

28 “Diachwujnakolax xan jum-an. Dios xajup beltaeliajwa, jiw jum-aech wut babejjamechan Diosliajwa. Jiw babijaxan ispi, japi Dios beltaeyaxesbej.

29 Pelax jiw jum-aech wut babejjamechan Espíritu Santoliajwa, ja-aech wut, Dios beltaeyaxil japi jiw. Japi pomatkoicha kaelel pejbu'wujnaxael Diosliajwa” —aech Jesús.

30 Jesús japox jum-aech judíos chanaekabuanapi, jum-aech xot: “Jesús webaes dep pejmatpumatxot” —aech xoti.

*Jesús pen, japon pakoewbej, japi nospaesiapox,
Jesús suapich*

(Mt 12.46-50; Lc 8.19-21)

³¹ Do jawux, Jesús pen, japon pakoewbej, pati Jesús jiw naewhajaxot. Jaxot pat wut, nuili tathoetlel. Do jawut, kaen aton to'api, jamchiliajwapon Jesús, Jesús nakolsliajwa tathoetade.

³² Xabich jiw Jesús masajiach. Do jawut, asew japixot jam-aech:

—Jiw chanaekabanan, nej-en, nakoew sapich, ba tathoetlel nuil. Xam walweki —aechi Jesúsliajwa.

³³ Do jawut, Jesús jam-aech:

—¿Achewkat, me-ama taj-en, takoewbej? —aech Jesús.

³⁴ Do jawut, Jesús natachaemt wut, jam-aechon masajiachpiliajwa:

—Xamal tajjiwam, xamallap, me-ama taj-enjiwam, takoewjiwambej!

³⁵ Xamal isfulam wut Dios nejxasinkpoxan, jam wut, me-ama takoewam, me-ama taj-enambej —aech Jesús.

4

Trigo pejhajan, xasaljabapon

(Mt 13.1-23; Lc 8.4-15)

¹ Asamatkoi Jesús tudut jiw naewhajnalialjwa pukababut. Do jawut, xabich jiw papasful japonxot. Samata, falkam julon ekaliajwa japafalkamtat. Jasoxtat chadukon jiw naewhajnalialjwa. Japi jiw putat nuil.

² Jesús xabich wujantat naewhajan jiw chiekal naewhajnalialjwapon.

Do jawut, naewhajan wut, jam-aechon:

³ “¡Chiekal naewe'e ampaw^uajan! Kaen aton f^ulaech pejlul poxade, trigo xasaljabaliajwa.

⁴ Xasaljaba w^ut, asew trigo natacholan n^uamtat. Do jaw^ux, mia pat japatrigo xaeliajwas. Do jaw^utbej, japi trigo mia xaeslisi, n^uamtat natacholanpi.

⁵ Asew trigo natacholan ia'xot, jaxot as xanaja'al. Japi trigo kamta naboela, sat kaes^uapich xot.

⁶ Xabich masxaenk w^ut, japi trigo selnas, xabich tathinkasnika-el xotdik. Do jaw^ut, t^uplisi.

⁷ Asew trigo natacholan na-e'l^u tasiaptasxot. Japi trigo naboela w^ut, do jaw^ut, na-e'l^ubej naboela. Na-e'l^u tapae-el trigo ti'sax, na-e'l^u kaes ath^u xot. Samata, japi trigo naboesaxil.

⁸ Asew trigo natacholan sat pachaemxot. Puexa japi trigo chiekal naboela. Ti't w^ut, trigoton chiekal naboet. Asew trigoton naboet treinta trigofu. Asew trigoton naboet sesenta trigofu. Asew trigoton naboet cien trigofu” —aech Jesús.

⁹ Jesús pejme j^um-aech: “Xamal Dios pejnejchaxoelax matabijasiam w^ut, ¡chiekal naewe'e xan j^um-anpoxan!” —aech Jesús.

*Ma-aech xot Jesús xabich w^uajantat naew^uajan
(Mt 13.10-17; Lc 8.9-10)*

¹⁰ Do jaw^ux, Jesús tamach w^ut, doce apóstoles s^uapich, kaes asewbej, japon pejnachalapi, jaw^ut japi puexa w^uajnachaemt w^ut, j^um-aechi Jesúsliajwa:

—¿Achax j^umchiyaxaelkat japaw^uajan? —aechi, w^uajnachaemt w^ut Jesús.

¹¹ Jesús j^umnot w^ut, j^um-aechon:

—Dios xamal tapaei matabijaliajwam Dios pejjiw tato'alpox, xan japox naewhajnax wut. Pe asey jiw, xanaboeja-elpi Dios, jumtaeyaxael wuhajankal asuhan jumch.

¹² Samata, japi jiw xabich natachaema. Pe japi taeyaxil. Japibej xabich naewet jummatatabijaliajwa, pe jummatatabijaxili, japi Dios xanaboejasamata, Dios japi babijaxan ispoxanliajwa beltaesamatabej —aech Jesús pejnachalaliajwa.

Jesús chiekal chanaekabuhapanox trigo pejwuhajan, xasaljabapon

(Mt 13.18-23; Lc 8.11-15)

¹³ Do jawut, Jesús pejme jum-aech pejnachalaliajwa: “¿Xamalkat matabija-emil trigo xasaljabapon pejwuhajan? ¿Machiyaxaelamkat matabijaliajwam, naewhajnax wut asawhajan?” —aech Jesús pejnachalaliajwa.

¹⁴ Do jawut, trigo pejwuhajan, xasaljabapon, Jesús chiekal chanaekabuhana pejnachala. Jum-aechon: “Trigo xasaljabapon, japon, me-ama Dios pejjamechan naewhajanpon.

¹⁵ Trigo natacholanpi nuamatat, japox, me-ama Dios pejjamechan jiw naewhajnaspox. Jumtaenpi naewhajnaspox, asey japixot, matabijaxil, matnaetink xoti. Me-ama sat tink, ja-aech xot japi pejmatnaetan. Do jawut, Satanás pasaxael Dios pejjamechan jukaliajwa japi jiw pejmatruhatanxot. Samata, japi jiw naexaxisaxil Dios pejjamechan.

¹⁶ Trigo natacholanpi ia'matwuhajt, as xanaja'alxot, japi trigo kamta naboela. Japi trigo, me-ama jiw. Japi jiw jumtaen wut Dios

pejjamechan, chiekal naexasiti. Do jawutbej, nejchachaemili.

¹⁷ Pe jawutbej, naexasit xoti Dios, asew jiw bu'wujajanpaeis wut, o, chaemilpox wepach wutbej, do jawut, japi jiw kofa Dios naexasitpox. Kaes naexasis-ellisi, pejnechaxoelaxan kaes mamnika-el xot, chiekal naexasis-el xoti Dios. Japi jiw, me-ama trigo tathinkasnika-elpi, chiekal ti'sfula-el. Ja-aechlap-is japi jiw, kofa xoti Dios naexasitox.

¹⁸ Asew jiw, me-ama trigo, naboelapi na-e'lu tasiaptasxot. Japi jiw naexasit Dios pejjamechan, naewujajnas wut. Do jawux, kofapi, pejnechaxoelaxan asaxan matakas xot.

¹⁹ Japi jiw nejchaxoel ampathatpijaxankal. Nejchaxoelbejpi kemaenkaliajwa. Xabich platasipi. Japanechaxoelaxantat Dios pejjamechan matakas. Samata, Dios pejjamechan ti'sfulaxil japi pejmatpuxatanxot.

²⁰ Asew jiw, me-ama trigo, natacholanpi sat pachaemxot. Japi jiw lax chiekal naexasisful, Dios pejjamechan naewujajnas wut. Ja-aech wut, japi jiw isful Dios nejxasinkpoxan. Samata, asew japixot, me-ama trigoton naboeti treinta trigofu. Asew jiw japixot, me-ama trigoton naboeti sesenta trigofu. Asew jiw japixot, me-ama trigoton naboeti cien trigofu” —aech Jesús, pejnachala chanaekabuxana wut trigowujajanliajwa.

Lámpara pejwujajan
(Lc 8.16-18)

²¹ Jesús pejme jum-aech: “Lámpara tamdutam wut, asaxtat matakasaximil. Cha-esaximilbej

camabuxfaltat. Athu cha-esaxaelam atuaj itli-akaliajwa.

²² Jachiyaxaelam tajnaewuajnaxliajwa. Puexa tajnejchaxoelaxan, me-ama moechaspoxan. Pe asamatkoi puexa chiekal matabijaxaeli tajnaewuajnaxpiaxtat. Puexa jiw tajnaewuajna matabija-elpi, japi asamatkoi matabijaxael.

²³ Xamal Dios pejnechaxoelax matabijasiam wut, ixan jum-anpox chiekal naewe'e!" —aech Jesús.

²⁴ Jesús pejme jum-aech: "¡Chiekal nejchaxoelde xan jum-anox! Asew jiw wewe'pas wut, xamal chaxduim xajupampoxtat! Ja-am wut, xamalbej Dios chaxduiyaxael wewe'ppoxan. Dios kaes pejme xamal chaxduiyaxael pachaempoxan, chiekal matabijt xoton xamalliajwa.

²⁵ Dios pejew chiekal tataefulpon, japon kaes pejme chaxdusaxaes. Asanlax, chiekal tataefla-elpon Dios pejew, japon kaesupich tataefulpoxan, japoxan kefisaxaeson" —aech Jesús, jiw naewuajan wut.

Pafut ti'tpox pejuwajan

²⁶ Do jawut, Jesús naewuajan pejnachala. Dios tato'al wut pejiw, japox kaesfulaxael. Samata, Jesús jum-aech: "Dios pejiw tato'laxaelpox kaesfulaxael ampathatat. Me-ama aton trigo xasaljaba wut satat, jachiyaxaellapi-is Dios tato'alpox pejiw.

²⁷ Dolisdo', japi trigo naboela wut, ti'sful matkoi, madoibej. Trigo xasaljabapon moejt wut, japi trigo tamach ti'sful. Japon matabijs-el, ma-aech, trigo ti'sful wut.

28 Japi trigo naboela satat. Naboela w_{ut}, ti'ti. Ti't w_{ut}, trigo naboet.

29 Trigo chiekal ti't w_{ut}, pachaem jolaliajwa, pat w_{ut} pejmatkoi” —aech Jesús.

Mostazafut pejw_uajan
(Mt 13.31-32; Lc 13.18-19)

30 Jesús pejme j_{um}-aech: “Xamal chiekal matabijaliajwam, naew_uajnaxaelen w_uajan, ma-aech Dios tato'laxaelpox pejjiw kaesfulaliajwa.

31 Dios puexa pejjiw tato'alpox, me-ama mostazafut. Kaen aton japafut m_{ut}ht pejlultat. Kamta weti'tas w_{ut}, do chiekal naedo'. Diachw_uajnakolax japafut kaes pejme cha-aelfut ampathatat.

32 Japafut m_{ut}htas w_{ut}, kamta ti't. Japanae, boejtachnaechlejen, kaewaech w_{ut}, ti't. Ti't w_{ut}, kaes ath_u. Me-ama asaxan jiw pejlulanxot m_{ut}hapi, jachi-el. Samata, pachaem mia chalakaliajwa japadalantat, japanae pejnajelnaxtat” —aech Jesús.

Jesús naew_uajan w_{ut}, xabich naew_uajan w_uajantat jiw j_{um}taeliajwa
(Mt 13.34-35)

33 Jesús naew_uajan w_{ut}, xabich naew_uajan w_uajantat jiw j_{um}taeliajwa. Jiw kaes xaj_upa-el w_{ut} japaw_uajan matabijaliajwa, Jesús b_{ux}kofit naew_uajanpox.

34 Pomatkoicha Jesús jiw naew_uajan w_uajantat. Do jaw_{ux}, tamach w_{ut}, pejnachala s_uapich, Jesús chiekal chanaekab_uana puexa pejnachala chiekal matabijaliajwa.

Jesús fiatpox joewa, truxanbej
(Mt 8.23-27; Lc 8.22-25)

³⁵ Japamatkoitat, chatuil wuti, Jesús jum-aech pejnachalaliajwa:

—¡Chijias puka we-enlelde! —aechon.

³⁶ Jawut pejnachala falkam jul. Jesús chajia wujajna falkamtat ek, jiw naewujajan xot. Do jawut, jaxot asew jiw waelapon pukabab'at. Jawut, Jesús, pejnachala sapich, chaflaech wut, asafalkammochantat asew jiw wuchakal chafol.

³⁷ Do jawut, chalechkal xabich pinajoewa pat, xabich pintruxanbej. Falkam min walakaful truxan fajabaxtat.

³⁸ Pe falkamta-ulel Jesús nejmach moejt. Taxu-oton taxu-osax.

Do jawut, pejnachala thikas wut, jum-aechi:

—¡Jiw chanaekabunan! ¿Xamkat nejchaxoela-emil xatis chabu'laxaesox? —aechi Jesúsliajwa.

³⁹ Do jawut, Jesús nant fiasliajwa joewa, truxanbej. Jawut jum-aechon pukaliajwa:

—¡Kaes nabej pintruxne'! —aech Jesús.

Do jawut, chalechkal joewa chiekal toep. Puexa chiekal itnapatan.

⁴⁰ Do jawut, Jesús jum-aech pejnachalaliajwa:

—¿Ma-aech xotkat xamal nejlewla? ¿Chiekal xan naxanaboeja-emilfak xamal bu'weyaxaelenpox? —aech Jesús pejnachalaliajwa.

⁴¹ Do jawut, japi xabich natachaemanuil. Xabich pejlowlabejpi. Samata, nakaewa najum-aechi:

—¿Achankat ampon? Joewa, pukabej, chiekal naexasichpon —na-aechi nakaewa.

5

Jesús to'apox dep nakolaliajwa aton pejmatpɥatxot

(Mt 8.28-34; Lc 8.26-39)

¹ Jesús, pejnachala sɥapich, chapa'a Gerasa tɥajɲɲ, puka we-enlelde.

²⁻³ Jesús nant wɥt papɥtxot, kaen aton najae'an Jesúsleldin. Japon aton dep webaes pejmatpɥatxot. Japon aton duk patɥpamɥthanxot. Jiw ke'saxilipon. Cadenamɥatbej piach xawaesaxil.

⁴ Wɥajna chajia pin-iaveces xawaekson cadenamɥatantat. Tɥakwasixawaekspon. Kewɥsixawaeksbejpon. Japon xawaeks wɥt, cadenamɥa likton. Jiw xajɥpa-el piach xawaesliajwapi, xabich mamnik xoton.

⁵ Pomatkoicha, pomadoichabej, japon jɥmch nanɥamt mɥaxanxot, patɥpamɥthanxotbej. Nanɥamt wɥt, xabich nejlaton. Ia'tat pajut naxkoljabapon naxbijabaxtat.

⁶ Japon aton dep webaes pejmatpɥatxot, Jesús atɥaxach fulaeyax taen wɥt, najae'non Jesúslel. Pat wɥton Jesús pejwɥajnalel, brixtat nukon.

⁷⁻⁸ Brixtat nuk wɥt, Jesús jɥm-aech depliajwa:

—Dep, ¡xamal nakolim japon aton pejmatpɥatxot! —aechon.

Samata, dep aton pejkaechatat nejlat wɥt, jɥm-aechon:

—Jesús, ¡xam Dios athɥpijin paɥɥnam! ¿Achaxasiamkat xanalxot? ¡Xanal jɥm-an Dios pejwɥajnalel natalias-elaliajwam! —aech dep, nejlat wɥt.

⁹ Do jawɥt, Jesús wɥajnachaeamt wɥt, jɥm-aechon:

—¿Achawalamkat xam? —aech Jesús.

Japi dep xabich pin-iat. Samata, jumnot wut, jum-aechi:

—Xanal tajwul Xabich, xabich pin-iatan xot — aech japi dep.

¹⁰ Dep jum-aech Jesús to'asamata atwaj asatwajnwlel.

¹¹ Jaxot mox mwaxxot maran pin-iakola nax-aelp.

¹² Samata, dep xabich jum-aech:

—Ampon atonxot xanal nakolax nato'am wut, jnatapaem maranxot leliajwan! —aech japi dep.

¹³ Do jawut, Jesús ow-aech dep wuljowpox. Doliso', dep nakola wut japon aton pejmatpwtatxot, japi dep lowlisi maranxot. Japi maran xabich pin-iat, me-ama dos mil. Jawut puexa maran dukp chwataidik. Mintat natacholan wut, jaxotdik puexa maran bu'al.

¹⁴ Do jawutbej, maran tataefulpi pejlwt dukp pejpaklowax poxade. Chapaeilisi taenpoxan. Paklowaxxot mox duilibej chapaeipi. Jawut jiw fulaen pajut chiekal taeliajwa jumtaenpoxan.

¹⁵ Japi jiw Jesúsxot pat wut, taenlisi japon aton. Japon aton dep wejisallison pejmatpwtatxot. Jesúsxot bu'la-eklison naxoelax, wepachaemsxot pejnechaxoelax. Jiw fulaeni, taen wuti japon, xabich pejlewlap.

¹⁶ Taenpi Jesús ispox japon atonliajwa, maranliajwabej, japi chiekal chapaei taenpoxan asew jiw, pa'anjiliajwa.

¹⁷ Do jawut, japatwajnwpijiw to'api Jesús asatwajnwlelaliajwa, Gerasa twajnwaxot namanasamata.

18 Do jawux, Jesús falkam jul wut, japon aton, dep wejisalpon pejmatpreatxot, xabich kawuajan nakfulaeliajwapon Jesús.

19 Pe Jesús tapae-el japon aton nakfulaeliajwas. Do jawut, Jesús to'a japon aton pejjiw poxade nawiasliajwa. Jesús jum-aech:

—¡Nawia'mich nejba poxade! ¡Nejjiw chapaem puexa Dios ispox xamliajwa, Dios xam beltaen xot! —aech Jesús.

20 Do jawut, fulaechlison Decápolis tuajnu poxade. Chapaefullison japapaklowaxanpijiw Jesús ispox japonliajwa. Puexa jiw jumtaen wut, jum-aechnapí: “¡Tae'nik ampon aton! ¡Chiekal pachaemlison!” —na-aechnapí nakaewa.

*Amxot jum-aechox Jesús pawis boejthaproxliajwa, asaow patapow mat-etpoxbejliajwa, pejme dukaliajwapow
(Mt 9.18-26; Lc 8.40-56)*

21 Jesús, pejnachala suapich, kaxa nawen puka we-enleldin falkamtat. Jesús chapa'an wut, xabich jiw papasful Jesúsxot pukababu'tat.

22 Jawut kaen aton pat. Japon pawul Jairo. Judíos naewuajnapijiw xot, japon japixot paklonpon. Jesús taen wuton, brixtat nukjabapon Jesús pejwuajnalel.

23 Jairo xabich tadut Jesús nakfulaeliajwas japon pejba poxade. Jum-aechon:

—Taxulow xabich nawebu'xaenk. Mox pawuajnapow tupaliajwa. ¡Xabua't! ¡Xan nakfulaem taxulowxot ke-osliajwam, boejthasliajwampow! —aech Jairo.

24 Do jawut, Jesús nakfol Jairo. Jesús xabich jiw chalas. Japixot xabich jiw Jesús pejwɥajnael fol. Asew fol Jesús wɥchakallel. Jesús xabich tabe'nafulas.

25 Do jawut, kaeow pawis wɥchakal fol. Japow bɥ'xaenk. Xabich nabijatow. Pejlaw wut, jal chiekal matduka-el. Doce waechan jal chiekal matduka-elpox.

26 Xabich jiw woew wɥalachipow. Pe chinax kaen aton japow boejthɥs-esal. Xabich nabijatow wɥaspoxtat. Xadaeptbejpow puexa pejew plata nawoeyaxtat. Pe jal chiekal matduka-el.

27-29 Japow wɥtaen Jesús. Samata, Jesús mox wut, wɥchakal folow. Jawut nejchaxoelow: “Xan Jesús pejnaxoelax jajastaxpoxtat naboejthɥsaxaelon” —aechow, nejchaxoel wut. Samata, japow jajast Jesús naxoelax. Do jawut, japow chiekal boejthɥls. Jal chiekal ajil. Pajut bɥ'boejtaenpow chiekal boejthɥlsox.

30 Jesús boejtaen, pejpamamax wenakolsas wut. Samata, Jesús kaxa natachaemdik wut, jɥm-aechon:

—¿Achankat xan tajnaxoelax nawejajast? —aech Jesús.

31 Do jawut, Jesús pejnachala jɥm-aechi Jesúsliajwa:

—Jiw xam tabe'naful. ¿Ma-aech xotkat xam wɥajnaemtam: ‘¿Achankat xan tajnaxoelax nawejajast?’ —amkat xam? —aechi Jesúsliajwa.

32 Dolisdo' Jesús natadiajsful jiwlel taeliajwa, achan jajastason.

³³ Jawut japow tathulal pejléwt. Matabijtow wejatisox. Samata, brixtat nukow Jesús pejwajnalel. Jawut chapaeipow wejatispox.

³⁴ Do jawut, Jesús jum-aech japowliajwa:

—Taj-atow, amwutjel xam pachaemam, chiekal naxanaboejtam xot. ¡Xabua'de nejmach! Nejwaxae kaes ajil xamxot —aech Jesús.

³⁵ Jesús naksiya wutfuk, Jairo pamak pat Jairoxot. Japi jum-aech Jairo jumtaeliajwa:

—Naxulow tuptisow. Samata, ¡nabey tadus jiw chanaekabuanan xam nakfalaeliajwa nejba poxade! —aechi.

³⁶ Jesús naekuanjiamt japi jum-aechpox, jumtaen wuton. Samata, Jesús jum-aech Jairoliajwa:

—¡Nabey nejlewlé' naxulow tuppoxliajwa! ¡Xanaboejsfulde Dios! —aech Jesús.

³⁷ Do jawut, Jesús nakiowa nakfolon. Jawut Jesús bu'fol Pedro, Santiagobey, Jairo pejba poxade. Bu'folbejpon Juan. Japon Santiago pakoe-wan. Jesús tapae-el kaes asew jiw nakfalaeliajwas Jairo pejba poxade.

³⁸ Pat wuti Jairo pejbaxot, Jesús jumtaen xabich jiw jumxan-elpoxan, jiw pinjametat wunowpoxanbey Jairo paxulow tuppoxliajwa.

³⁹ Ba lech wut, Jesús jum-aech:

—¿Ma-aech xotkat xamal xabich jumxan-elam? ¿Wunowambej? Japow tupa-el. Japow moejt —aech Jesús wunowpiliajwa.

⁴⁰ Japox jumtaen wuti, asbuan jumch xafafoli Jesúsliajwa. Do jawut, Jesús nakolax to'a jiw tathoetade. Jawut Jesús buflaech pejnachala

batuchade, patupow och poxade. Buflaechbejpon patupow pax, japow penbej.

41 Jaxot Jesús patupow kefit wut, jum-aechon patupowliajwa:

—Talita cum —aech Jesús. (Japox jumchiliajwa hebreojametat: “Jam, xan jum-an: ‘iMat-e'e pejme dukaliajwam!’ —an xan” —chiliajwa.)

42 Do jawut, kamta patupow mat-et. Mat-et wut, nantow. Jawut pajut chiekal laejepow. Japow doce waechan. Jawut puexa jiw jum-aech: “iTaem patupow! iLaejapow pejme!” —aechi.

43 Jesús nejth'aaxtat jum-aech: “iNabey chapae' amprox asew jiw, xan isxprox xamalliajwa!” —aech Jesús jaxotpijwliajwa. Do jawut, Jesús pejme jum-aech: “iChaxduim naxaeyax japow xaeliajwa!” —aech Jesús.

6

Jesús Nazaret paklowaxxotpox (Mt 13.53-58; Lc 4.16-30)

1 Jesús nakolt wut Capernaum paklowaxxot, fulaechon pejtujnkolax poxade, pejnachala suapich.

2 Pat wuti Nazaret paklowaxxot, do jawux, napatamatkoi wut, Jesús lech judíos naewhajnaba poxade. Jaxotde tuaduton jiw naewhajnalialajwa. Jaxotbej xabich jiw jumtaen wut Jesús naewhajanpox, jawut, nakaewa nawhajnachaemsna wut, jum-aechi:

—¿Amxotkat ampon japoxan xabich matabijt jiw naewhajnalialajwa? ¿Amxotkat matabijtbejpon

matabijsax? ¿Ma-aech xotkat japon xajup koechaxan isliajwa?

³ Ampon carpintero nabichan, María paxulan. Ampon pakoew ampilape. Kaen pawul Santiago. Asan pawul José. Asan pawul Judas. Asan pawul Simón. Jesús pakoewbej, watho', japi duil xatisxot —na-aechi nakaewa.

Samata, naexasis-eli Jesús naewhajanpox.

⁴ Do ja-aech wut, Jesús jum-aech japijiajwa:

—Profetas sitaens asapaklowaxanpijiw. Pelax pejpaklowaxkolapijiw sitae-esal. Pejjiwkola, pejbapijiwbej, sitae-esal —aech Jesús japi jiwliajwa.

⁵ Samata, jaxot Jesús isaxil koechaxan. Kaesapich jiw bu'xaeya boejthuton, jacha wut.

⁶ Jesús xabich nejchaxoelanuk japi jiwliajwa, naexasis-el xoti. Do jawut, Jesús fulaech asatujnuchan mox poxade. Japalelde jiw naewhajnafuldepon.

*Jesús to'apox pejnachala japi naewhajnaliajwa
Dios tato'laxaelpox jiw ampalthat*

(Mt 10.5-15; Lc 9.1-6)

⁷ Do jawut, Jesús la doce apóstoles. Japi pat wut Jesúsxot, jawut, Jesús kaenanala kolenje to'apon japi paklowaxan poxaliajwa, naewhajnaliajwapi Dios pejjamechan. To'a wut pejnachala, jum-aechon: “Jiw xabu'kalam wut, dep webaesi pejmatpumatxot, japi dep to'im nakolaliajwa japi jiw pejmatpumatxot Dios pijaxtat!” —aech Jesús, to'a wut pejnachala.

⁸⁻⁹ Jesús kefiat pejnachala, nanuamt wut xalaesamata. Jum-aechon: “¡Nejkilachalanaeyankal xalaem! ¡Nabej xalae' naxaeyaxan, plata,

nejchoxanbej! Mado' itɯakxajoelam, ɨdo japoxkal tɯaklaflaem! ɨJa-amdebej naxoelaxliajwa! Mado' inaxoelam, ɨdo japoxkal bu'laflaem!" —aech Jesús pejnachalaliajwa.

¹⁰ Jesús pejme jum-aech:

—Xamal paklowax patam wɯt, ɨkaebaxot duilde, jiw naewɯajnalialjwam japapaklowaxpijiw! Asalel fulaelialjwam wɯt, do jawɯt, ɨjapabaxot nakolim!

¹¹ Asew jiw xamal bu'kula-el wɯt, nej-naewɯajnax naewes-el wɯtbejpi, ɨjapapaklowaxxot nakolim, asapaklowax poxaliajwam! Nakolam wɯt, ɨnejtɯakxajoe jolde lalaliajwam as natacholnalialjwa! Jasoxtat japi jiw pajut matabijaxael babijax ispox Diosliajwa, xamal bu'kula-el xoti —aech Jesús.

¹² Dolisdo', Jesús pejnachala follisi. Pat wɯti, japapaklowaxanpijiw naewɯajanlisi kofaliajwa babijaxan ispoxan, naexaxisliajwabejpi Dios.

¹³ Jesús pejnachala dep to'a jiw pejmatpɯatanxot nakolaliajwa. Samata, xabich dep nakola. Xabich bu'xaeyabej boejthɯti, bu'xalot wɯti jiw olivosimintat.

*Juan, jiw bautisan, boesaspox
(Mt 14.1-12; Lc 9.7-9)*

¹⁴ Potɯajnuɯcha xabich jiw wɯltaena Jesús pejwɯajan. Rey Herodes, Galilea tɯajnuɯpijiw tato'lan, japonbej wɯltaen Jesús ispoxan, jiw nakaewa nospaei wɯt Jesúsliajwa. Pe Herodes matabijs-el, achan Jesús. Jumtaenpon, jiw nakaewa najum-aech wɯt Jesúsliajwa: “Jesús, japonlap Juan, jiw bautisan. Mat-echpon pejme

duk. Samata, xajupon koechaxan isliajwa” —na-aech wut jiw nakaewa Jesúsliajwa.

15 Asew japixot najum-aechbej Jesúsliajwa: “Jesús, japonlap profeta Elías. Mat-echpon pejme duk” —na-aechi nakaewa. Asew japixot najum-aechbej: “Jesús, japonlap profeta, me-ama majt duilpi” —na-aechi nakaewa Jesúsliajwa.

16 Herodes jumtaen wut jiw najum-aechpox Jesúsliajwa, japon jum-aech:

—Jesús, japonlap Juan. Xan tajsoldaw majt tajut keto'ax Juan taxtasiapchaliajwas. Amwutjel japon mat-ech. Samata, japon pejme duk —aech Herodes.

17 Juan laeja wut, Herodes keto'a pejsoldaw Juan jaelsliajwas. Do jawut, Juan jaeltas wut, jiaspon jiw jebatat. Jaxot cadenamuatat xawaechpon. Herodes japox is, to'as xoton pijow Herodías. Japow majt Felipe pijow. Japon Herodes pakoe-wan. Baxael, Herodes pakoe-wan Felipe fe'enpon.

18 Herodes pakoe-wan fe'en wut, Juan jum-aech Herodesliajwa: “¡Xam nakoewan pijow nijow do-faximil! ¡Japox chaemil isliajwa!” —aech Juan Herodesliajwa.

19-20 Samata, Herodías japox jumtaen wutow, xabich nejweslapow Juan. Japow to'a pamal, japon keto'aliajwa pejsoldaw Juan boesaliajwas. Pe Herodes owchi-el, sitaen xoton Juan. Herodes matabijt, Juan xabich pachaempon. Samata, Herodes majt tapae-el Juan boesaliajwas. Juan naewhajanpox Herodes nejxasink. Pe kolene-jchaxoelaxan xot, matabijs-elon isaxaelpox.

21 Do jawux, Herodes is wut pejcumpleaños, xabich wallalapon paklochow, soldawpaklo-

chowbej, kaes kemaenkibej, Galilea tɯajɲɛpijiw. Do jawɯt, wɯllalasi puexa chiekal patlisi Herodesxot. Do jawɯtbej, Herodíasliajwa chiekal wɛpachaemsow pamal keto'aliajwa, japonbej keto'aliajwa pejsoldaw Juan boesaliajwas. Nejchaxoelow japox.

²²⁻²³ Dolisdo', fiesta wɯt, Herodías paxɯlow pat. Japow tamach nababoela puexa jiw pejwɯajnalel, japi taeliajwa. Nababoela wɯt, Herodes, asew jiwbej, naxaelpi japonxot, xabich nejchachaemili, japow nababoela wɯt. Do jawɯt, Herodes jɯm-aech japowliajwa:

—¡Nejxasinkampox xan nawɯljoem! Xan japox chaxdusaxaelen. Diachwɯajnakolax paeix. Nawɯljowampox chaxdusaxaelen. Nejxasinkam wɯt, xan tato'laxtɯajɲɛ chiekal najɯpachadusaxaelen xam tato'laliajwam —aech Herodes japowliajwa.

²⁴ Do jawɯt, japox jɯmtaen wɯt, pen poxadepow wɯajɲachaemsliajwapow pen. Penxot pat wɯt, chapaeipow paxon jɯmtisprox. Jawɯt jɯm-aechow penliajwa:

—En, ¿achaxkat xan taxon wɯljoeyaxaelen? —aechow.

Do jawɯt, pen jɯmnot wɯt, jɯm-aech:

—Jam, ¡ma amwɯt naxon wɯljoem Juan, jiw bautisan, pejmatnaet! —aechow paxɯlowliajwa.

²⁵ Do jawɯt, japow Herodes poxade. Jɯm-aechow rey Herodes jɯmtaeliajwa:

—¡Ma amwɯt nachaxdu'e Juan pejmatnaet plaf-tat! —aechow.

²⁶ Do jawɯt, Herodes xabich nejxaejwas, jɯmtaen wɯton japow wɯljowprox. Samata,

Herodes elchiyaxil japow wɔljowpoxliajwa, chajia jumdut xotlison puexa paklochow pejwɔajnalel japow chaxdusliajwa wɔljoeyaxaespoɔ. Samata, Herodes chaxdusaxael japow wɔljowpox.

²⁷⁻²⁸ Do jawɔt, Herodes pejsoldawan to'a Juan pejmatnaet chaxlaeliajwadin. Jawɔt soldawan fɔlaech jiw jeba poxade. Jaxotde pa'a wɔt, Juan taxtasiapchapon. Plaftat Juan pejmatnaet chaxlaens fiesta poxadin. Soldawan xapat wɔt, Herodías paxɔlow chaxduton Juan pejmatnaet. Do jawɔt, japow pen poxade chaxlaeliajwa Juan pejmatnaet.

²⁹ Juan pejnachala jumtaen wɔt Juan boesaspoɔ, jawɔt fɔlaeni Juan patɔpan chaxlaeliajwa. Do jawɔt, chaxfollisipon mɔthsliajwa. Do jawɔt, mɔthslisipon.

*Jesús naxaeyaxan chaxduwpox cinco mil poejiw
(Mt 14.13-21; Lc 9.10-17; Jn 6.1-14)*

³⁰ Jesús pej-apóstoles bɔxtoet wɔti naewɔajanpoxan asapaklowaxanpijiw, kaxa nawenlisi. Pat wɔti, natamejapi Jesúsxot. Jawɔt puexa chapaeilisi ispoɔxan, naewɔajanpoxanbej.

³¹ Jaxot xabich jiw fɔlalaena. Samata, Jesús pejnachala xabich it-els xaeliajwa, jiw xabich xot. Samata, Jesús jum-aech:

—¡Chijias jiwjil poxade, xatis tamach damlathɔlaliajwas! —aech Jesús.

³² Do jawɔt, Jesús, pejnachala sɔapich, chaflaech falkamtat jiwjil poxade.

³³ Pe nakiowa, jawɔt xabich jiw fɔltaeni Jesús, chaflaech wɔt, pejnachala sɔapich. Matabijapi.

Samata, xabich paklowaxanpijiw dukpde Jesús itjulaxaech poxade. Japi wɥajna pa'a.

³⁴ Jesús chapat wɥt falkamtat, Jesús xabich jiw taen papɥtlel. Taen wɥton, japi jiw xabich beltaenon. Jawɥt Jesús nejchaxoel wɥt, jum-aechon: “Ampi jiw, me-ama ovejas, wejisal xoti tataeflaspon” —aech Jesús, nejchaxoel wɥt. Samata, tɥadutlison xabich naewɥajnalijwa.

³⁵ Kaliax wɥt, Jesús pejnachala moxlisi Jesúsxot. Do jawɥt, japi jum-aech Jesúslijwa:

—Tuilalisox. Amxot ajil tɥajnɥchan. Ajilbej naxaeyaxan wɥajsliajwas.

³⁶ Samata, jampi jiw to'im tɥajnɥchan poxade, naxaeyaxan wɥajsliajwa! —aechi Jesúslijwa.

³⁷ Jesús japox jumtaen wɥt, jum-aechon:

—jXamal najut chaxduim naxaeyaxan ampi jiw xaeliajwa! —aechon.

Do jawɥt, jum-aechi:

—jXamkat nejxasinkam xanal pan wɥajsliajwan doscientos denariostat, puexa ampi jiw xaeliajwa? —aech Jesús pejnachala.

³⁸ Jesús wɥajnaemta wɥt, jum-aechon:

—jMassɥapichkat pan xamalxot? jXabɥa'de taeliajwam jiwxot! —aech Jesús.

Do jawɥt, japi taen wɥt, jum-aechi:

—Asbɥan jumch cinco pan xanalxot, kolenje baxinbej —aechi.

³⁹ Do jawɥt, Jesús to'a pejnachala puexa jiw kaenanɥla, pejmɥtan sɥapich, polaxot chalakaliajwa.

⁴⁰ Asamɥtan, pinamɥtan. Japamɥtanxot, me-ama cien jiw. Asamɥtan kaesɥapich jiw.

Japamutanxot, me-ama cincuenta jiw. Puexa jiw chalak, pejmutan sɤapich.

⁴¹ Do jawɤt, Jesús cinco pan chafit, kolenje baxinbej. Athɤlel natachaemsepon Dios kawɤajnalijwa. Dios kawɤajan wɤt, jam-aechon: “Ax, xan gracias-an ampapanlijwa, ampabaxilijwabej, xanal nachaxduwampi” — aech Jesús, pax Dios kawɤajan wɤt. Do jawɤt, jalkafullison pan. Jalkafɤl wɤt, pejnachala chaxduifullison japi saslijwa, puexa jiw xaelijwa. Ja-aechbejpon baxilijwa.

⁴² Puexa jiw chiekal xael. Chiekal nafnialisi.

⁴³ Jiw xaeyax kaechatoel wɤt, malpi Jesús pejnachala jia matpirantat. Wɤlɤpi doce matpiran baxitoerow, pan malsibej.

⁴⁴ Japi jiw xaelpi, cinco mil poejiw. Watho', yamxi sɤapich, xajui-esal.

*Jesús fɤlaenpox pukaminakaldin
(Mt 14.22-27; Jn 6.16-21)*

⁴⁵ Do jawɤx, Jesús to'a pejnachala falkam julalijwa, puka we-enlelde chalikalijwa. To'aponi wɤajna chaflaelijwa, Betsaida paklowaxlelde. Jesús kaweta namanfɤk jiw to'aliajwa nawelijwa pejbachan poxade.

⁴⁶ Do jawɤx, jiw to'a wɤt, Jesús julach mɤax poxase tamach Dios kawɤajnalijwa.

⁴⁷ Sesa itkɤatnik wɤt, Jesús tamach naman. Pejnachala falkamtat chafolfɤki pukatukolaxtat.

⁴⁸ Taenon pejnachala xabich faetox. Joewa matalech falkam. Mox pawɤajna wɤt nalialialijwa, Jesús fɤlaen pukaminakal. Me-ama matnoch xenslijwa wɤt, ja-aechon.

49-50 Pejnachala taen wɨti Jesús, pukaminakal fɨlaenox, nejchaxoeli: “¡Tae'nik! ¡Ama dep fɨlaen!” —aech Jesús pejnachala, nejchaxoel wɨt. Samata, puexa japi xabich natachaema. Do jawɨt, pota na-oenklisi, xabich pejlewla xot. Jawɨt Jesús jɨm-aech:

—¡Nabej nejlewle'! ¡Xanpe'! —aech Jesús.

51 Do jawɨt, Jesús falkam juldik japixot. Jawɨt kaes wika-ellisox. Samata, japi chiekal nat-achaemachalak falkamtat.

52 Japi matabija-elfɨk Jesús xajɨppox puexa is-liajwa. Taen wɨti koechax, Jesús is wɨt panli-ajwa, chiekal matabija-eli taenpox, matnaetink xoti matabijaliajwa.

Jesús boejthɨtpox jiw bu'xaeya Genesaret tɨajɨxot
(Mt 14.34-36)

53 Do jawɨt, Jesús, pejnachala sɨapich, puka we-enlelde chapa'api, Genesaret tɨajɨxot. Jaxot itjul wɨt, falkam ke'tlisi pukababu'tat.

54 Japi nana wɨt falkamxot, jiw matabija japon Jesús.

55 Do jawɨt, japi jiw kaxa dukpich asew jiw chapaeliajwa, japatɨajɨpijiw. Do jawɨt, bu'xaeya chaxlaens camillatat Jesúslel japi boejthɨsliajwas.

56 Jesús tɨajɨchan poxade wɨt, paklowaxan poxade wɨtbejpon, Jesús fɨlaech poxade, jiw owas wɨajna plazaxot, japi bu'xaenki, boejthɨsliajwaspi Jesús. Taen wɨti Jesús, japi jiw jɨm-aech Jesúsliajwa:

—Ampi jiw, bu'xaeya, ¡tapaem nejsumta-osax jachaliajwapi, matdukafɨlpox! —aechi Jesúsliajwa.

Do jawux, puexa jachapi japox, japi chiekal boejthulslisi.

7

Jiw chajia nejchaxoelpox, babijax, japoxan is xoti, babejchow nadofa

(Mt 15.1-20)

¹⁻⁴ (Fariseos, asew judíosbej, japi is pejwujnapijiw isfulpoxan. Xaeliajwa wut, majt xabich piach kekakiati. Naxaeyaxan wujt wuti plazaxot, pejbatat xapat wut, xaeliajwa wutbej, majt xabich piach kekakiati. Tasos, jarros, maram, camaxanbej, xabich piach kiati. Japi kaes asaxan isbej. Me-ama pejwujnapijiw, jachieli. Kaes pejme xenapi japoxanliajwa. Japoxan ispi, nejchaxoel xot asbuan jumch: “Japoxan isx wut, babijaxan ispoxan xanxot ajilaxael” —aech xoti, nejchaxoel wut.)

Asamatkoi kaesujapich fariseos, judíos chanaekabuanapibej, falaeni Jerusalén paklowaxxotdin, Jesús poxadin. Pat wuti Jesúsxot, taeni Jesús pejnachala majt piach kekacias-elpox, xaeliajwa wut.

⁵ Samata, japi Jesús wujnachaemt wut, jum-aechi:

—¿Ma-aech xotkat nejnachala is-el, me-ama wajwujnapijiw? Nejnachala xaeliajwa wut, majt xabich piach kekacias-eli —aech fariseos, judíos chanaekabuanapibej, Jesúsliajwa.

⁶⁻⁷ Jesús jumnot wut, jum-aechon:

—Xamal, me-ama diachwujnakolax Dios naexasitam wut, jja-am! Pe diachwujnakolax Dios naexasis-emil. Isaías, Dios pejprofeta,

diachw_{uaj}nakolax chajia j_um-aech xamalliajwa, chajia lel w_uton. J_um-aechon Dios j_um-aechpox:

‘Xamal naksiyam xan nasitaenamproxantat. Pelax nejnejchaxoelaxan xabich at_{uaj} xanxot. Samata, xamal isampoxan xanliajwa, naksiyam w_utbej chimiajamechan xanliajwa, o, xan nakaw_{uaj}namproxanbej, japoxan omjil xanliajwa. Naew_{uaj}nam w_utbej, naew_{uaj}nam asew jiw pejnechaxoelaxankal. Pelax xan tajnejchaxoelaxan, jiw naew_{uaj}na-emil –aech Dios j_um-aechpox xamalliajwa’ –aech Isaías, chajia lel w_ut –aech Jesús fariseosliajwa.

8-9 Jesús pejme j_um-aech fariseosliajwa:

–Xamal naexaxis-emil Dios pejtato'lax. Naexasitam_{lax} jiw naew_{uaj}janproxankal. Asb_uan j_umch isam nejw_{uaj}napijiw isproxankal.

10 Moisés chajia lelpox j_um-aech: ‘iNej-ax, nej-enbej, sitaem! Babejjamechan j_um-aechpon paxliajwa, penliajwabej, japon aton t_uraxael kastikaxtat’ –aech Moisés chajia lelpox.

11 Xamal asb_uan j_umch naew_{uaj}nam nejw_{uaj}napijiw isfulproxan, japox paw_ul corb_{an}. Samata, xamal j_um-am: ‘Nejmach-aton chajia j_umdut w_ut pejew Dios chaxduiliajwa, japoxan japon aton chaxduiyaxil, pax, penbej, japoxan Diosliajwa xot’ –am xamal.

12 Xamal japi jiw t_uraeyam japox j_umchiliajwa paxliajwa, penliajwabej: ‘Xan chajia Dios j_umdutx chaxduiliajwa tejew. Samata, xamal kajachawaesliajwan, ajil’ –chiliajwapi.

13 Asew jiw naew_uajnam w_{ut} nejw_uajnapijiw isfulpoxan, japoxantat Dios j_um-aechpoxan ko-fam. Kaes asaxan naew_uajnambej, me-ama japox —aech Jesús fariseosliajwa.

14 Do jaw_ux, Jesús jiw la w_{ut}, j_um-aechon:

—¡Puexa xamal chiekal naewe'e!
j_ummatabijimbej xan j_umchiyaxaelenpox!

15 Jiw naxaeyax xael w_{ut}, babejchow nadofaxil. Jiw babijaxan is, chajia japoxan nejchaxoel xoti isliajwa.

16 Xamal Dios pejnechaxoelax matabijasiam w_{ut}, ¡chiekal naewe'e xan j_um-anpox! —aech Jesús.

17 Jesús b_uxtoet w_{ut} jiw naew_uajanpox, ba le-chon, pejnachala s_uapich. Do jaw_{ut}, pejnachala w_uajnachamtason, japi chiekal matabijaliajwa japaw_uajan, Jesús jiw naew_uajanpoxliajwa.

18 Jesús j_umnot w_{ut}, j_um-aechon:

—¿Xamalkat-is matabija-emil japaw_uajan?
¿Matabija-emil jiw babejchow nadofaxilox, xael w_{ut} naxaeyax?

19 Naxaeyaxan jiw xael w_{ut}, pejnechaxoelaxan poxa-eldik. Woejt poxadik. Do jaw_ux, nakoltox —aech Jesús.

Jesús japox j_um-aech pejnachala chiekal matabijaliajwa, puexa naxaeyaxan pachaempox jiw xaeliajwa.

20 Jesús pejme j_um-aech:

—Jiw pejnechaxoelaxanxot nakola babejnechaxoelaxan.

21 Samata, jiw babijaxan is. Poejiw, tamach laelpi, nejchaxoel asew watho' b_u'moejsaxan. Jiw nejchaxoelbej natkowaliajwa asew jiw pejew. Jiw nejchaxoelbej asew jiw beliajwa.

²² Poejiw pakmolapi nejchaxoelbej asew watho' bu'moejsliajwa. Jiw taen wut asew jiw pejew, japoxansiabejpi pajutliajwa. Jiw nejchaxoelbej isliajwa babijaxan asew jiwliajwa. Jiw nejchaxoelbej naekichachajbaliajwa asew jiw. Jiw nejchaxoelbej babijaxan isliajwa pomatkoicha padala-elpoxan. Jiw nejchaxoelbej nusasiawlialiajwa, asew jiw ketaen wut. Jiw nejchaxoelbej buxwujajnamaenkaliajwa asew jiwliajwa. Jiw pajut nejchaxoel wut, jum-aechbejpi: 'Xan kaes pejme pachaeman. Me-ama asew jiw, jachi-enil' — aechi, nejchaxoel wut. Jiw nejchaxoelbej nejmach duilaliajwa Dios naexasis-elaxtat.

²³ Puexa japox babijaxan nakola jiw pejne-jchaxoelaxanxot. Samata, jiw babejchow nadofa japanejchaxoelaxantat —aech Jesús.

*Judíos-atowa-elpow, japow naexasitpox Jesús
(Mt 15.21-28)*

²⁴ Jesús fulaech, pejnachala supich, Tiro paklowax poxade, asatujajnuelbej. Do jaxotde ba low wuti, Jesús maliach pasasia. Pe nakiowa, jiw taenson.

²⁵⁻²⁶ Samata, atow wultaen Jesús pasaxaelpox. Samata, fulaechow Jesús taeliajwa. Japow judíos-atowa-el. Asatujajnujijow. Pejtuajnu pawul Sirofenicia. Pat wutow Jesúsxot, japow brixtat nuk Jesús pejwujajnalel, sitaen xotow Jesús. Paxulow kaweta batat, dep webaesow pejmatpumatxot. Samata, jum-aechow Jesúsliajwa:

—jXam dep to'im nakolsliajwa taxulow pejmatpumatxot! —aechow Jesúsliajwa.

²⁷ Do jawut, Jesús jum-aech:

—Paxipi majt naxaeyaxan chaxduw paxi xaeliajwa. Do jawux, pachaem wur dñajsliajwa malsi —aech Jesús japowliajwa.

(Jasox Jesús jum-aech, matxoela kajachawaesaxael xoton judíos. Do jawux, kajachwawaesaxaelon judíos-elpi.)

²⁸ Do jawut, japow jumnot wut, jum-aechow:

—Tajpaklon, pe yamxi xael wut, mesaxot chaex fudu' natacholan wut mesaxot, wurbej xael. Samata, jnawoesa xan matxoela nakajachawae'e! —aechow.

²⁹ Do jawut, Jesús jum-aech:

—Xam kajachawaesaxaelen, chiekal najumnotam xot xanliajwa. Naxulowlis pachaem. Dep nakoltlis naxulow pejmatpuxatxot. jNawia'mich nejba poxade! —aech Jesús japowliajwa.

³⁰ Do jawut, chijialisow pejba poxade. Pejba pat wut, paxulow taenlisow, ok wut camatat. Dep wejisallisow pejmatpuxatxot.

*Jesús boejthutpox naetakua'nikpon,
buxwñajanjilbejpon*

³¹ Do jawut, Jesús nakolt Tiro tñajnuxot. Do jawux, Sidón tñajñlel xentbejpon. Xenabejpon paklowaxan Decápolis tñajñlel. Do jawux, Galilea pukaxot paton.

³² Jaxot asew jiw buflaen naetakwatan Jesúslel. Japon aton buxwñajanjilbej. Japi jiw jum-aech Jesúsliajwa:

—jAmpon aton boejthu'e jumtaeliajwa! jKe-o'ebej japonxot naksiyaliajwapon! —aechi.

³³ Do jawut, Jesús buflaech atuxach buxwñajanjilan, jiw ajilxot. Jawut Jesús

nataelanaetakuanwɨaj jacha pejkothiyatat. Do jawɨt, Jesús loya pejkothiya, japon aton kaech-ia'jachaliajwa japa-almintat.

³⁴ Dolisdo', Jesús athɨlel natachaemse wɨt, xabich fakjolchapon. Jɨm-aechon: “¡Efata!” —aech Jesús. (Japajame jɨmchiliajwa hebreojametat: “¡Nej fafas!” —chiliajwa.)

³⁵ Do jawɨt, chalechkal pejnaetakuanwɨaj chiekal wepachaemslison kolelelje. Pejkaech-ia't pachaembej naksiyaliajwa. Naksiya wɨt, chiekal jɨmtampapon.

³⁶ Do jawɨt, Jesús jɨm-aech puexa jiwliajwa:

—¡Puexa xamal nabej chapae' amprox asew jiw!
—aech Jesús japi jiwliajwa.

Jesús bɨxɨfiat wɨt, japi jiw nakiowa chapaefɨl asew jiw.

³⁷ Japi jiw nejchaxoelanuili. Samata, jɨm-aechnapɨ:

—¡Puexa Jesús isproxan, chiekal ispon! Jesús boe-jthɨt wɨt, ¡hasta naetakɨatabej chiekal jɨmtaen! ¡Bɨxwɨajnajilabej chiekal naksiya! —na-aechi nakaewa.

8

Jesús naxaeyaxan chaxduwpox cuatro mil jiwli-ajwa

(Mt 15.32-39)

¹ Asamatkoivan xabich jiw pejme natamejal Jesúsxot. Japi jiw naxaeyaxan xaeliajwa jaxot ajil. Samata, Jesús pejnachala la moxliajwadin.

² Japi pat wɨt, jɨm-aechon:

—Ampi jiw beltaenx, wejisał xot xaeliajwa. Japi xan nachala tres matkoi. Toellisi naxaeyaxan xafoli.

³ To'ax wuati naxae-elaxtat pejbachan poxade, japi jiw xabich pejlit nuamtat mamnikaxil, asew jiw japixot xabich atuj fulaenxot —aech Jesús.

⁴ Do jawut, pejnachala jumnot wut, jum-aechi:

—Amxot naxaeyaxan faekaxisal, jiw duila-el xot —aechi.

⁵ Dolisdo', Jesús wujnachaemt wut, jum-aechon:

—¿Massuapichkat pan xamalxot? —aech Jesús.

Jumnot wut, jum-aechi:

—Amxot siete panes —aechi.

⁶ Jesús puexa jiw chalakax to'a satat. Do jawut, siete panes Jesús chafit. Dios kawujajan wut, jum-aechon:

—Gracias-an ampapan nachaxduwampiliajwa —aech Jesús.

Jawut pan jalkafalon. Do jawut, Jesús chaxduiful pejnachala, japi sasliajwa pan puexa jiwliajwa. Do jawut, Jesús pejnachala pan sasfallisi.

⁷ Jesús pejnachalaxot cha-aex baxix. Do jawut, Jesús pejme Dios kawujajan baxixliajwa. Jawut jum-aechon:

—Gracias-anbej ampabaxixliajwa nachaxduwampi —aech Jesús.

Do jawut, to'abejpon pejnachala baxix sasliajwapi puexa jiwliajwa.

⁸ Puexa jiw chiekal xael. Chiekal nafniabejpi. Do baxael, pejnachala chanot malsi. Wulu siete matpiran.

⁹ Japi jiw xaelpi, me-ama cuatro mil jiw. Xaeyax kaechatoel wʰt, Jesús japi jiw to'a naweliajwa pejbachan poxade.

¹⁰ Do jawʰx, Jesús falkam jul, pejnachala sʰapich, chaflaeliajwa Dalmanuta tʰajnʰ poxade.

Fariseos to'apox Jesús isliajwa koechax

(Mt 12.38-42; 16.1-4; Lc 11.29-32; 12.54-56)

¹¹ Do asamatkoi, fariseos pat wʰt Jesúsxot, japi chiekal wʰajnaemt Jesús. Japi fariseos tasalasiapi Jesús, asax is wʰt. Samata, jʰm-aechi:

—Isde koechax xanal taeliajwan, chiekal matabijaliajwanbej, diachwʰajnakolax xam Dios to'aponam wʰt! —aech fariseos Jesúsliajwa.

¹² Do jawʰt, Jesús xabich fakjolcha, nejchachaemla-el xoton fariseosliajwa, naexasis-el xotbejpi. Samata, Jesús jʰm-aech:

—Xamal nato'am xan koechax isliajwan asbʰan jʰmch taeliajwan. Pe xamal taeyaximil pajelkoechax —aech Jesús fariseosliajwa.

¹³ Do jawʰt, Jesús chijia fariseosxot. Julon falkam chaflaeliajwa puka we-enlelde, pejnachala sʰapich.

Jesús naewʰajanpox pejnachala, japi pajut chiekal natataeflialiajwa fariseos naewʰajanpoxan, Herodesbej

(Mt 16.5-12)

¹⁴ Jesús pejnachala nejkiow naxaeyaxan xalaeliajwa. Japi asbʰan jʰmch kaekolax pan xafoli.

¹⁵ Do jawʰt, Jesús jʰm-aech pejnachalaliajwa:

—Chiekal taem fariseos pejlevaduraliajwa, Herodes pejlevaduraliajwabej! —aechon pejnachalaliajwa.

16 Jesús pejnachala jumtaen Jesús jum-aechpox. Pe japi jummatabija-el. Samata, nakaewa nawajnachaeamt wut, najum-aechi:

—¿Achaxkat jum-aech Jesús? Jesús japox bej nakjum-aechbej, xatis nejkiows xot pan xalaeliajwas —aechi nakaewaliajwa.

17 Jesús matabijt pejnachala nakaewa najum-aechpox. Samata, Jesús wajnachaeamt wut, jum-aechon:

—¿Ma-aech xotkat xamal nakaewa najum-am panliajwa? ¿Xamalkat jummatabija-emil, matnaetinkam xot?

18 Xamal taenam. Pe chiekal matabija-emil. Jumtae-emilbej. ¿Ma-aech xotkat xamal nejchaxoela-emil xan koechax isxproxliajwa, ajil wut naxaeyaxan jiw xaeliajwa?

19 Xan jalkafalax wut cinco pan cinco mil poejiwliajwa, do jawut, ¿masmatpirankat xamal wulum japi jiw mali? —aech Jesús pejnachalaliajwa.

Japi jumnot wut, jum-aechi:

—Xanal wulax doce matpiran —aechi.

20 Jesús pejme jum-aech pejnachalaliajwa:

—Xan jalkafalax wut siete panes cuatro mil jiwliajwa, jawut, ¿masmatpirankat xamal wulum japi jiw mali? —aech Jesús.

Jesús pejnachala jumnot wut, jum-aechi:

—Xanal wulax siete matpiran —aechi.

21 Do jawut, Jesús jum-aech pejnachalaliajwa:

—¿Xamalkat jummatabija-emilfuk? —aech Jesús.

Jesús boejthutpox itliaklan Betsaida paklowaxxot

22 Jesús, pejnachala s̄apich, chapa'a Betsaida paklowaxxot. Japapaklowaxxot asew jiw b̄uflaeni itliaklan Jesúslel. Japi w̄aljow Jesús jachaliajwa itliaklan, japon chiekal taeliajwa.

23 Jesús makxalaech w̄ut itliaklan, b̄uflaechon at̄axach, paklowax tathoetlel. Jesús itfuxalot almintat itliaklan. Do jaw̄ut, Jesús itfujacha w̄ut itliaklan, jaw̄ut Jesús w̄uajnaem̄t w̄ut, j̄m-aechon itliaklanliajwa:

—¿Xamkat taenamlejen? —aechon.

24 Do jaw̄ut, itliaklan chiekal natachaem̄t w̄ut, j̄m-aechon:

—Jiw laelp w̄ut, me-ama naechan laelp w̄ut, ja-
itfu-an —aech itliaklan.

25 Do jaw̄ut, Jesús pejme itfujacha. Jaw̄ut chiekal w̄epachaem̄slison pej-itfu. Chiekal taenbejpon.

26 Jesús j̄m-aech:

—¡Nabej f̄ulae' paklowax poxade! ¡Xab̄ua'de ne-
jba poxade! ¡Nawia'mich! —aech Jesús majt itli-
akalponliajwa.

*Pedro j̄m-aechpox Jesúsliajwa: “Xam
Cristowam, Dios to'asponam”*

(Mt 16.13-20; Lc 9.18-21)

27 Jesús boejth̄ut w̄ut itliaklan, f̄ulaechon, pejnachala s̄apich, asat̄uajnaechan poxade, Cesarea de Filipolel. Fol w̄uti n̄uam̄tat, Jesús w̄uajnaem̄t w̄ut pejnachala, j̄m-aechon:

—¿Achan na-aechkat jiw xanliajwa? —aech Jesús.

28 Japi j̄mnot w̄ut, j̄m-aechi:

—Asew jiw j̄m-aech xamliajwa: ‘Japonlap Juan, jiw bautisan. Mat-echpon pejme duk’ —aech asew jiw xamliajwa. Asew jiw j̄m-aechbej xamliajwa:

‘Japonlap Elías, Dios pejprofeta. Mat-echpon pejme duk’ –aech asew jiw xamliajwa. Asew jiw jum-aechbej xamliajwa: ‘Japonlap Dios pejprofetaxot mat-echpon pejme duk’ –aech asew jiw xamliajwa –aech Jesús pejnachala.

²⁹ Do jawut, Jesús pejme wuajnachaeamt wut, jum-aechon pejnachalaliajwa:

–Xamallax, ¿achan na-amkat xanliajwa? –aech Jesús.

Do jawut, Pedro jumnot wut, jum-aechon Jesúsliajwa:

–Xam Cristowam, Dios to'asponam –aech Pedro.

³⁰ Do jawut, Jesús buxfiat wut, nejthu'axtat jum-aechon pejnachalaliajwa:

–¡Japox asew jiw nabej chapae' xan Cristowanponan! –aech Jesús pejnachalaliajwa.

*Jesús jum-aechpox, japon tɔpaxaelpoxliajwa
(Mt 16.21-28; Lc 9.22-27)*

³¹ Jesús jum-aech pejnachalaliajwa, japon tɔpaxaelpoxliajwa:

–Xan, puexa jiw pakoewkolnan, xabich nabijasaxaelen. Judíos-ancianos, sacerdotes-paklochowbej, judíos chanaekabuanaribej, japi xan najumchiyaxael: ‘Japon Cristowa-el, Dios to'aspona-el’ –chiyaxaeli xanliajwa. Samata, naboesaxael wut, tres matkoi wut, Dios xan namat-esaxael pejme dukaliajwan –aech Jesús.

³² Jesús japox jum-aech pejnachala chiekal matabijaliajwa jachiyaxespox japonliajwa. Jawut Pedro buflaechon Jesús pejlel nospaeliajwa

tamach, Jesús s̄apich. Do jawut, Pedro b̄axfiat Jesús j̄um-aechpoxliajwa.

³³ Pe Jesús natfo'cha asew pejnachalalel taeliajwa. Do jawut, Jesús j̄um-aech Pedroliajwa:

—¡Chijiamde xanxot! Xam japox j̄um-am, Satanás b̄axto'a xot. Xam nejchaxoela-emil Dios pijaxan. Asb̄an j̄umch nejchaxoelam ampathatpijaxankal —aech Jesús Pedroliajwa.

³⁴ Do jawut, Jesús la pejnachala, jiwbej. Dolisdo', puexa jiw pat wut japonxot, Jesús j̄um-aech:

—Xamal tajnachalwasiam wut, ¡najut babijaxan isampoxan, ma amwut kofim! ¡Pomatkoicha isfulde xan tato'laxpoxan! Asew jiw pijaxtat nabijatam wut, boesasia wutbejpi, ¡nakiowa xamal naexas-isfulde xan tato'laxpoxan!

³⁵ Ampathatat isam wut najut nejxasinkampoxankal, asamatkoi t̄upam wut, napelsaxaelam Diosliajwa. Ja-am wut, duilaximil Diosxotse. Kofam wutlax najut isfulampoxan, isfulam wutlax xan tato'laxpoxan, Dios chiekal naexasisfulam wutbej, asamatkoi xamal t̄upam wut, napelsaximil Diosliajwa. Ja-am wut, pomatkoicha duilaxaelam Diosxotse.

³⁶ ¿Achaxkat aton kanaxael xabich waton pejew ampathatat, asamatkoi t̄up wut, Dios kastikaxaes waton?

³⁷ Aton mosaxil pejewtat pasliajwapon Diosxotse, japon pejew chiekal omjil xot Diosliajwa.

³⁸ Ampathatpijiw xabich is babijaxan. Japi nejchaxoela-elbej Dios. Japi jiw pejw̄ajnalel xamal nadala wut xanliajwa, tajnaew̄ajnaxliajwabej, xanbej, puexa jiw pakoewkolnan, tadalaxaelen xamalliajwa.

Xan jachiyaxaelen taj-ax Dios pejwñajnalel. Tadalaxaelen xamalliajwa, xan kaxa pasaxoekan wut ampathatasik taj-ax pijaxtat, taj-ax Dios pej-ángeles sñapich —aech Jesús pejnachalaliajwa, asew jiwliajwabej.

9

¹ Jesús pejme jum-aech pejnachalaliajwa:

—Diachwñajnakolax xan jum-an. Asew jiw xamalxot pejpatapax wñajna taeyaxaeli, Dios puexa pejjiw tato'al wut ampathatat —aech Jesús.

Jesús xabich chaponanakthianpox Dios pijaxtat (Mt 17.1-13; Lc 9.28-36)

² Do jawñx, seis matkoiyan wut, Jesús fñlaech mñax xabich athñ poxase julaliajwa. Jawut bu'folon tres pejnachalan. Kaen pawñ Pedro. Asan pawñ Santiago. Asan pawñ Juan.

³ Dolisi, pinamñaxxotse wut, Jesús xabich chaponanakthian. Pijax naxoelax xabich papoeikolax. Ampathatat jasox ajil xabich papoeikolax, me-ama japon pijax, jasox.

⁴ Do jawut, chalechkal kolenje aton natulaelt Jesúsxot. Japi judíos pejwñajnapijiw. Kaen pawñ Elías. Asan pawñ Moisés. Japi nospaei, Jesús sñapich.

⁵ Do jawut, Pedro jum-aech Jesúsliajwa:

—Tajpaklon, pachaem, xanal amxotan wut. Nejxasinkam wut, xanal tres bua-at isaxaelen. Kaebu-at xamliajwa. Asabu-at Moisésliajwa. Asabu-at Elíasliajwabej —aech Pedro Jesúsliajwa.

⁶ Jesús pejnachala japox taen wut, xabich pejlewłapi. Samata, Pedro matabijs-el jumchiyaxaelpox.

⁷ Jawut itloejen faloek japi pejmatwujasik. Do jawut, japa-itloejentat Dios jum-aechsik: “Ampon taxulan, xabich nejxasinkaxpon, japon naewesfalde!” —aech Dios.

⁸ Do jawut, Jesús pejnachala natadiajt wut, asew kolenje Jesúsxot chiekal ajillisi. Jesús tamach nukafal. Jawut taeni Jesúskał.

⁹ Do jawux, mujaxxot baloek wuti, Jesús buxfiat pejnachala asew jiw chapaesamata japi taenpox. Jum-aechon:

—Xan, puexa jiw pakoewkolnan, hasta namat-et wut, xan pejme dukx wutbej, do jawut, xamal asew jiw chapaeyaxaelam taenam-pox —aech Jesús pejnachalalajwa.

¹⁰ Japi ow-aech. Chapae-ellisi asew jiw. Nakaewa nawujajnachaemsnapi: “¿Ma-aech xotkat Jesús jum-aech: ‘Hasta namat-et wut, xan pejme dukx wutbej, do jawut, xamal asew jiw chapaeyaxaelam taenam-pox’ —nak-aechkat Jesús xatıslajwa?” —na-aechi nakaewa.

¹¹ Dolıso', japi Jesús pejnachala, trespi, wujajnachaemt wut, jum-aechi Jesúsłajwa:

—Xam Cristowam wut, ¿ma-aech xotkat judıos chanaekabuanapi jum-aech Elıasłajwa: “Wajwujajnapijin Elıas matxoela pasaxael. Do jawux, Cristo pasaxael” —aechkat judıos chanaekabuanapi? —aech Jesús pejnachala Jesúsłajwa.

¹² Jesús jumnot wut, jum-aechon:

—Judíos chanaekabɯanapi jɯm-aechpox diachwɯajnakolax. Japi jɯm-aechpox: ‘Matxoela pasaxael kaen, me-ama Elías, jason. Japon puexa jiw chanaekabɯanaxael puexa jiw naexasisliajwa Dios. Jasox matxoela jachiyaxael Cristo pasax wɯajna’ —aechox, japi jɯm-aechpox. Dios chajia jɯm-aechbej: ‘Puexa jiw pakoewkolan xabich nabijasaxael judíos pijaxtat’ —aech Dios. Xanlap japonan, puexa jiw pakoewkolnan —aech Jesús pejnachalaliajwa.

¹³ Do pejme Jesús jɯm-aech pejnachalaliajwa, trespiliajwa:

—Diachwɯajnakolax xan jɯm-an. Kaen, Elías jason, patlison. Pe asew jiw babijaxan isasiapi, japi islisi babijax japonliajwa. Dios pejjamechan chajia jɯm-aech japonliajwa jɯmchiyaxaesox — aech Jesús Juan, jiw bautisan, pejpatɯpaxliajwa.

Jesús nakolsax to'apox dep yamxɯlan pejmatpɯatxot

(Mt 17.14-21; Lc 9.37-43)

¹⁴ Dolisdo', Jesús, tres pejnachala sɯapich, fɯlaechlisi asew japon pejnachala poxade. Do jaxotde xabich jiw taenlisi, japi jiw matawiat wɯt asew Jesús pejnachala, japi kaweta namapi. Jaxotkaesɯapich judíos chanaekabɯanapi, wɯajna nabɯ'naloti Jesús pejnachala, namapi sɯapich.

¹⁵ Puexa jiw taen wɯti Jesús, xabich nejchachaemili. Samata, Jesúslel dɯkpdepi kejachaliajwa.

¹⁶ Do jawɯt, Jesús wɯajnachaemt wɯt pejnachala, jɯm-aechon:

—¿Achaxkat xamal nabu'nalotam, judíos chanaekabuanari sapich? —aech Jesús.

¹⁷ Kaen japixot jumnot wut, jum-aechon:

—Jiw chanaekabuanan, taxulan buflaenx xam dep to'aliajwam nakolsliajwa taxulan pejmatpreatxot. Taxulan naksiyaxil, pejmatpreatxot dep webaes xoton.

¹⁸ Dep pijaxtat chalechkal jumwalon. Xabich kaechwathuamabejpon. Xabich bua'tatitbejpon. Do jawut, xabich satat nadadolan. Xan jum-an nejnachala japi to'aliajwa dep nakolsliajwa taxulan pejmatpreatxot. Pe nejnachala xajupa-el to'aliajwapi dep —aech yamxulan pax.

¹⁹ Do jawut, Jesús jum-aech pejnachalaliajwa:

—Tajnachala, xamal Dios chiekal xanaboeja-emil Dios xajupprox dep to'aliajwa. Xabich piniamatkoiyam xamalxotx. Japamatkoiyantatbej xabich naewuajnafulax. Kajachawaetxbej Dios chiekal xanaboejaliajwam. Pe xamal Dios chiekal xanaboeja-emilfik. ¡Buflaemen yamxulan xanlel! —aech Jesús.

²⁰ Do jawut, yamxulan buflaenlisi Jesúsleldin. Dep taen wut Jesús, jawut dep pijaxtat yamxulan pejme satat jumwal. Do jawutbej, yamxulan satat matariamam. Kaechwathuamabejpon.

²¹ Jesús wuajnachaeamt wut yamxulan pax, jum-aechon:

—¿Masmatkoiyankat naxulan jasox ja-aech? —aech Jesús.

Pax jumnot wut, jum-aech:

—Xabich chajia ja-aechon. Japox tuadut, jam wutlejen.

22 Pin-iaveces dep pijaxtat jumwal jitlel kakamwaliajwas. Minlelbej jumwal bu'laliajwa. Samata, ixanal nabeltaem! Xajumram wut, ixanal nakajachawae'e! –aech yamxulan pax.

23 Jesús jum-aech yamxulan paxliajwa:

–¿Ma-aech xotkat xan najum-am: 'Xajumram wut, ixanal nakajachawae'e!' –amkat xanliajwa? Xam Dios naexasitam wut, Dios kajachawaesaxael dep nakolsliajwa naxulanxot –aech Jesús.

24 Do jawut, yamxulan pax nejlakcha wut, jum-aechon:

–Xan Dios naexasitx. Samata, ¡nakajachawae'e kaes pejme chiekal Dios naexasisliajwan! –aech yamxulan pax.

25 Jesús taen wut xabich jiw papasfulprox jaxot, jawut Jesús to'a dep nakolsliajwa yamxulan pejmatpaxot. Jum-aechon:

–Dep, xam yamxulan bexwajankijtam. Naetakatambej. ¡Nakolde jaron yamxulan pejmatpaxot! ¡Kaxa nabej nawias yamxulan pejmatpaxot roxadin! –aech Jesús depliajwa.

26 Do jawut, dep xabich pinjametat na-na wut, yamxulan jumwal dep pijaxtat. Do jawut, dep nakolt yamxulan pejmatpaxot. Yamxulan okaful satat. Me-ama tur wut, ja-aechon. Samata, xabich jiw jum-aech: “¡Taem! Yamxulan chiekal turplison” –aech japi jiw.

27 Do jawut, Jesús mmaxfit yamxulan namat-esliajwa. Do jawut, yamxulan nant.

28 Do jaroqxwx, Jesús, pejnachala sapich, ba lech wut, japi piajkal wut, pejnachala wujnachaemtas. Jum-aechi Jesúsliajwa:

—¿Ma-aech xotkat xanal xajupa-enil dep nakol-sax to'aliajwan yamxulan pejmatpaxot? Me-ama xam, jachi-enil —aechi Jesúsliajwa.

²⁹ Jesús jumnot wut, jum-aechon:

—Me-ama ampon dep, jason, xamal najut nijax-tat xajupaximil to'aliajwam, majt Dios kawhajna-emil wut —aech Jesús.

Jesús pejme jum-aechpox pejpatupaxliajwa

(Mt 17.22-23; Lc 9.43-45)

³⁰⁻³¹ Jesús, pejnachala sapich, japatujnuxot nakola wut, fulaechlisi Galilea tujnu poxade. Japi fulaech wut, Jesús nejxasinka-el asew jiw matabijsliajwas japon jaxotox, pejnachalakal naewhajnaaxael xoton. Do jawut, jum-aechon:

—Xan, puexa jiw pakoewkolnan, asan naw-iasaxael tadaelmajiwxot japi naboesaliajwa. Xan tux wut, tres matkoi wut, Dios namat-esaxael pejme dukaliajwan —aech Jesús pejnachalaliajwa.

³² Pe japi chiekal jummatabija-elfuk Jesús jum-aechpox. Japi baxdalabej kaes wujnachaemsliajwapi Jesús.

Achan kaes paklonaxaelpox Diosxotse

(Mt 18.1-5; Lc 9.46-48)

³³ Jesús pat, pejnachala sapich, Capernaum paklowaxxot. Batutat wuti, Jesús wujnachaemt wut pejnachala, jum-aechon japiajwa:

—¿Achaxkat xamal jum-am, nhamtat folam wut? —aech Jesús pejnachalaliajwa.

³⁴ Pe japi asbuan jumch boejlach. Jumnos-eli, padala xot. Japi majt nhamtat fol wut, nakaewa najum-aechi: “¿Achankat xatisxot kaes paklonaxael?” —aechi nakaewaliajwa.

³⁵ Do jawut, Jesús ek. Ek wut, lalison doce pejnachala kaes moxliajwadin. Jawut jum-aechon japiliajwa:

—Xamal puexa jiw tato'lasiam wut, ¡majt pamaknamde puexa jiw kajachawaesliajwam! —aech Jesús.

³⁶ Do jawut, Jesús yamxulan la moxliajwadin, pejnachala pejwajnalel. Do jawut, Jesús yamxulan islanuk wut, jum-aechon pejnachalaliajwa:

³⁷ —Yamxulan bu'kultam wut xan tajaxtat, jam wut, jawut xanbej chiekal nabu'kulsaxaelam. Nabu'kultam wut, xan kaenan nabu'kuls-emil. Diosbej bu'kulsaxaelam, xan nato'apon —aech Jesús pejnachalaliajwa.

*Is-elpi chaemilpox Jesúsliajwa, japi, me-ama kajachawaetpox Jesús pijax naewajanax
(Mt 10.42; Lc 9.49-50)*

³⁸ Do jawut, Jesús pejnachalan, pawlpon Juan, jum-aech Jesúsliajwa:

—Jiw chanaekabuanan, xanal kaen aton taenx, dep to'aful wut nakolaliajwa jiw pejmatpreatanxot. Japon aton xam nijaxtat dep to'a nakolaliajwa jiw pejmatpreatanxot. Pe wajmutpijna-el. Samata, xanal japon fiatx buxkofsliajwapon japox —aech Juan Jesúsliajwa.

³⁹ Jesús jumnot wut, jum-aechon:

—Japon japox is wut, ¡nej is! ¡Nabej fias! Japon koechaxan is wut xan tajaxtat, ja-aech wut, jumchiyaxilon babejjamechan xanliajwa.

⁴⁰ Jiw is-elpi babijaxan xatisliajwa, japi, me-ama nakkajachawaet wut, ja-aechi.

41 Diachw_uajnakolax j_um-an. Nejmach-aton xamal kajachawaet w_ut, tajjiwam xot, japon aton xamal chaxdut w_ut minkal feliajwam, japon aton Dios kajachawaesaxaes —aech Jesús, Juanliajwa naksiya w_ut.

*Jesús naew_uajanpox jiw babijaxan isasamata
(Mt 18.6-9; Lc 17.1-2)*

42 Jesús pejme j_um-aech pejnachalaliajwa: “Pomatkoicha jiw babijaxan is, asew jiw to'as xoti. Pe jelxan nanaexasiti is w_ut babijaxan, asew jiw to'as xoti, to'api jiw babijaxan isliajwa, japi jiw xabich kastikaxaes Dios. Japiliajwa kaes pejme pachaemaxael ia' pinan_ul, jajaera, kaechariama ke'aliajwas, chakakofaliajwas mar poxadik, xabich so'nik poxadik, jaxotdik t_upaliajwapi. Ja-aech w_ut, japi to'axil kaes asew jiw babijaxan isliajwa, jelxan nanaexasiti.

43-44 Nejke-echantat babijaxan isfulam w_utbej, j_unajut naketariowcham, kofaliajwam babijaxan isampoxan! Ja-am w_ut, kaes pachaemaxaelam, kaeke-em w_ut pasliajwam Diosxotse. Kofa-emil w_ut babijaxan isampoxan, ja-am w_ut, napelsaxaelam infierno poxadik. Jaxotdik toepaxil jit pinjiyax. Japajitxotdikbej tafil t_upa-el.

45-46 Nejt_uakantat babijaxan isfulam w_utbej, j_unajut nat_uaktariowcham kofaliajwam babijaxan isampoxan! Ja-am w_ut, kaes pachaemaxaelam kaet_uakam w_ut pasliajwam Diosxotse. Kofa-emil w_ut babijaxan isampoxan, jachi-elasiam w_ut, xamal napelsaxaelam infierno poxadik. Jaxotdik toepaxil jit pinjiyax. Japajitxotdikbej tafil t_upa-el.

47-48 Babijax isam wutbej, taenamprox nej-itfutat, ja-am wut, inajut na-itfukuim xamal kofaliajwam babijaxan isampoxan! Do ja-am wut, kaes pachaemaxaelam pasliajwam Diosxotse, kae-itfutam wut. Kofa-emil wut babijaxan isampoxan, ja-am wut, xamal napelsaxaelam infierno poxadik. Jaxotdik toepa-el jit pinjiyax. Japajitxotdikbej tafil tupa-el” –aech Jesús pejnachalaliajwa.

49 “Puexa jiw, infiernoxoti, xabich nabijasaxael japajitat” –aech Jesús pejnachalaliajwa.

50 Jesús pejme jum-aech: “Dom pachaem. Dom xakuenka-el wut, chaemil. Dom chaemil wut, pejmeliajwa pachaemaxil. Samata, xamal pachaemaxaelam ampathatat. Me-ama dom pachaem wut, jachiyaxaelam. Nejjiw sapich, duilam wut, ichiekal pachaemde!” –aech Jesús.

10

Jesús naewhajanpox poejiw pelsasamata pejwatho'

(Mt 19.1-12; Lc 16.18)

¹ Jesús nakolt wut Capernaum paklowaxxot, do jawut fulaechlison Judea tujnux poxade, Jordánlajt orientelel poxade. Jaxotde pejme xabich jiw papasfal japonxot. Do ja-aech wut, pejme tjaduton jiw naewhajnaliajwa, me-ama japon pejkabuan.

² Do jawut, fariseos mox soepapi Jesúsxot whajnachaemsliajwapi Jesús, Jesús asaxtat jum-aech wut japi tasalaliajwa japoxtat. Samata, fariseos jum-aech:

—¿Tapaeskát poejiw pelsliajwa pejwatho'? O, ¿tapaesalkat? —aech fariseos.

³ Jesús jamnot wut, jam-aechon:

—¿Achaxkat jam-aech Moisés chajia lelpox xamal najam-ampoxliajwa? —aech Jesús.

⁴ Japi jam-aech:

—Moisés chajia lelpox jam-aech: 'Aton pijow fo'asia wut, japon lelaxael pelfut. Japapelfutat jamchiyaxaelon, ma-aech xot fo'asiapon pijow. Do jawux, palelafut chaxdusaxaelon pijow. Do ja-aech wut, japapelfut chaxdut wut, pachaemaxael japon aton fo'aliajwa pijow' —aech Moisés chajia lelpox —aech fariseos Jesúsliajwa.

⁵ Do jawut, Jesús jam-aech fariseosliajwa:

—Moisés jasox lel, xamal matnaetinkam xot naexasisliajwam Dios.

⁶ Majt wajwajna, Dios that is wut, kaen aton ispon. Kaeow atowbej ispon.

⁷ Samata, aton fit wut pawis, japi nakolaxael paxxot, penxotbej, japon aton, pijow sapich, pejlel dukaliajwa.

⁸ Do ja-aech wut, japi kolenje, me-ama kaen wut, jachiyaxaeli. Ja-aech wut, japilis, me-ama majt kolenje wut, jachi-ellisi. Amwutjel japi, me-ama kaen wut, ja-aechlisi.

⁹ Samata, aton fo'axil pijow, Dios pijaxtat nakjiya xot —aech Jesús fariseosliajwa.

¹⁰ Do baxael, Jesús, pejnachala sapich, batat wut, pejnachala wajnachaemtas watho' pelsaxli-ajwa.

¹¹ Do jawut, Jesús jamnot wut, jam-aechon pejnachalaliajwa:

—Aton fo'a w_{ut} pijow, japon aton asaow pawis fit w_{ut}, japon babijax is Diosliajwa, pijowliajwabej, b_u'moejt xoton asaow, pijowa-elpow.

¹² Pawisbej pamal fo'a w_{ut}, asan poi fit w_{ut}ow, japow babijax is Diosliajwa, pamalliajwabej, b_u'moejt xotow asan poi, pamala-elpon —aech Jesús.

*Jesús kaw_uajanpox Dios yamxiliajwa
(Mt 19.13-15; Lc 18.15-17)*

¹³ Do baxael, jiw b_uflaen yamxi Jesús poxadin, Jesús ke-osliajwa yamxixot. Jaw_{ut} pejnachala j_um-aech yamxi b_uflaeniliajwa:

—jNabej b_uflae' yamxi Jesúsleldin! —aechi.

¹⁴ Jesús japox j_umtaen w_{ut}, palalapon pejnachalaliajwa. Samata, j_um-aechon:

—jTapaem yamxi b_uflaeliajwas xanlel! jNabej fias! Dios pejjiw, duilaxaeli Diosxotse, japi, me-ama ampi yamxi, kamta naexasit xoti Dios pejtato'lax.

¹⁵ Diachw_uajnakolax xan j_um-an. Xamal Dios naexasitam w_{ut}, me-ama yamxi, ja-am w_{ut}, pasaxaelam Diosxotse. Dios naexasis-emil w_{ut}, pasaximil jaxotse —aech Jesús pejnachalaliajwa.

¹⁶ Do jaw_{ut}, Jesús kaenan_ula yamxi isnot w_{ut}, j_um-aechon yamxiliajwa: “Dios puexa xamal nej kajachawaesfale” —aech Jesús, ke-ot w_{ut} yamxixot.

*Kemaeyan nospaeipox, Jesús s_uapich
(Mt 19.16-30; Lc 18.18-30)*

¹⁷ Jesús pejme f_ulaeliajwa w_{ut}, kaen aton najaeen Jesúslel. Pat w_{ut}, Jesús pejw_uajnael brixtat nukon. Jaw_{ut}, w_uajnachaemt w_{ut}, j_um-aechon:

—Jiw chanaekabɥanan, xam xabich pachaemam. ¿Achaxkat xan nawewe'p isliajwan pomatkoicha dukaliajwan Diosxotse? —aechon.

18 Jesús jɥmnot wɥt, jɥm-aechon:

—¿Ma-aech xotkat xan najɥm-am: 'Xam xabich pachaemam' —na-amkat? Kaen Dios xabich pachaem.

19 Xam matabijtam Dios pejtato'laxan. Moisés chajia lelpox jɥm-aech: '¡Nabej boese' asan aton! ¡Nabej bu'moejs asaow pawis, nijwa-elpow! ¡Nabej natkowe'! ¡Nabej kechachajbe' asan aton tasalali-ajwam, babijax is-elpon! ¡Nabej naekichachajbe'! ¡Nej-ax sitaem, nej-enbej!' —aech Moisés chajia lelpox —aech Jesús.

20 Do jawɥt, japon kemaeyan jɥm-aech:

—Jiw chanaekabɥanan, xam najɥm-amproxan, puexa japoxan xan tuadutx naexasisliajwan, pansianan wɥt. Amwɥtjelbej nakiowa japoxan naexasisfulax —aech kemaeyan.

21 Do jawɥt, Jesús natachaemt wɥt kemaeyan, beltaenlison. Do jawɥtbej, Jesús jɥm-aech:

—Xamfuk kaeyax wewe'p isliajwam. ¡Xabɥa'de nejba poxade! ¡Puexa nejew mowim! Mowam wɥt, ¡japaplata chaxduim kejila! Ja-am wɥt, Dios xabich nejchachaemlaxael xamliajwa. Ja-am wɥtbej, Dios xam chaxduiyaxael xabich pachaemproxan japonxotse. Chaxduiyax daeptam wɥt, ¡xabɥa't xan naknanɥamsliajwam, tajnachalnamliajwambej! —aech Jesús.

22 Kemaeyan jɥmtaen wɥt Jesús jɥm-aechprox, kemaeyan xabich nejxaejwas, xabich kemaenk xot.

23 Jesús pejnachalalel natfo'cha wut, jum-aechon japiliajwa:

—Xabich tampoel kemaeya pasliajwa Diosxotse —aech Jesús.

24 Pejnachala xabich nejchaxoelanuil, jumtaen wuti, Jesús japox jum-aech wut. Samata, Jesús pejme jum-aech pejnachalaliajwa:

—Takoew, diachwujnakolax xabich tampoel kemaeya pasliajwa Diosxotse.

25 Xamal matabijam camello pinjin xot, xajupaxil kuthatukre'wuj poxade xensliajwa. Kemaeyanliajwabej, tampoel japon pasliajwa Diosxotse —aech Jesús.

26 Japox jumtaen wut, Jesús pejnachala xabich kaes pejme nejchaxoelanuili. Nakaewa nawujnachaemsna wut, najum-aechi:

—¿Achankatlax bu'weyaxaes? ¿Achankatlax pasaxael Diosxotse? —na-aechi nakaewa.

27 Jesús japi natachaemt wut, jum-aechon:

—Jiw pajut pijaxtat pasaxil Diosxotse. Pelax Dios xajup puexa isliajwa. Samata, Dios xajup jiw bu'welija. Dios kajachawaesaxael jiw pasliajwa japonxotse —aech Jesús.

28 Do jawut, Pedro jum-aech:

—Xanal puexa tejew waelax, xam nakfulaeliajwan —aech Pedro.

29 Do jawut, Jesús jum-aech:

—Diachwujnakolax xan jum-an. Nejmach-aton Dios pejbichax nabichliajwa wut, japon waela wut pakoew, pen, pax, paxi, pejbabej, pejsatanbej, jasox is wuton, tajwujjan, chimiawujjan, naexasit xoton, ja-aech wut, japon aton Dios kaes pejme chaxduiyaxaeson.

30 Me-ama kaes cien veces chaxduiyaxaeson ampathatat. Jachiyaxaeson, pakoew, pen, paxi, pejba, pejsatbej, puexa japoxan waela xoton. Japon laeje wutfuk ampathatat, jiw nejweslafulaxaeson. Samata, nabijasaxaelon, xan nanaexasit xot. Asamatkoi, japon tɔp wɔt, pasaxaelpon pachaemxotse, Diosxotse, pomatkoicha dukaliajwa.

31 Xabich jiw amwɔtjel paklochowpi ampathatat, asamatkoi japi Diosxotse paklochowaxil Dios pejwɔajnalel. Xabich jiw lax amwɔtjel paklochowa-elpi ampathatat, japilax asamatkoi paklochowaxael Diosxotse Dios pejwɔajnalel —aech Jesús.

Ampoxtat Jesús jɔm-aech tres veces japon pejpatɔpaxliajwa

(Mt 20.17-19; Lc 18.31-34)

32 Asamatkoi Jesús, pejnachala sɔapich, a sew jiw sɔapichbej, japi fɔlaech Jerusalén paklowax poxade. Jesús matxoela fol. Pejnachala fol wɔt, nejchaxoeli: “¿Ma-aech xotkat Jesús pejlewla-el fɔlaeliajwa Jerusalén paklowax poxade?” —aechi, nejchaxoel wɔt. A sew jiw, wɔchakal folpi, japi pejlewla. Do jawɔt, Jesús bɔflaech doce pejnachala asalel japikal jɔmchiliajwapon. Jɔm-aechon a sew jiw isaxaespo x japonliajwa Jerusalén paklowaxxot.

33 Jesús jɔm-aech: “Amwɔt Jerusalén paklowax poxaxaes. Jaxotde xan, puexa jiw pakoewkolnan, a sew jiw nawiasaxael sacerdotespaklochowxot, judíos chanaekabɔanapixotbej. Japi natasalaxael

asew jiw xan naboesaliajwa. Do jawux, xan naw-iasaxaeli judíos-elixot.

³⁴ Japi nabu'wujajnpaeyaxael. Naloyaxaelbejpi. Xabich namatwujajselsaxaeli. Do jawux, naboesaxaeli. Тux wut, tres matkoi wut, Dios namat-esaxael pejme dukaliajwan” —aech Jesús.

*Santiago, Juan suapich, wujjowpox Jesús we-
isliajwas chamoeyax*

(Mt 20.20-28; Lc 22.24-30)

³⁵ Do jawux, Santiago, Juan suapich, japi Zebedeo paxi, mox soepapi Jesúsxot. Do jawut, jum-aechi:

—Jiw chanaekabuanan, xanal wujjowx xam nawe-isliajwam chamoeyax xanalliajwa —aechi Jesúsliajwa.

³⁶ Jesús jumnot wut, jum-aechon japiliajwa:

—¿Achaxkat we-isaxaelen, chamoeyax, xamalliajwa? —aech Jesús.

³⁷ Japi jumnot wut, jum-aechi:

—Xam jiw tato'lam wut ampathatat, xanal natapaem chalakaliajwan xam nejkolalelje! ¡Natapaembej xanal puexa jiw tato'laliajwan, xam suapich, xanalbej jiw nasitaeliajwa! —aechi Jesúsliajwa.

³⁸ Jesús jum-aech:

—Xamal matabija-emil nawujjowampox. Xan xabich nabijasaxaelen jiw pijaxtat. ¿Xamalkat-is xajupaxaelam nabijasliajwam, me-ama xan, jachiliajwam? Xanbej tuxpaxaelen asajiw pijaxtat. ¿Xamalkat-is xajupaxaelam tupaliajwam, me-ama xan, jachiliajwam? —aech Jesús japiliajwa.

³⁹ Japi jumnot wut, jum-aechi:

—Diachw_uajnakolax xanalbej xaj_up_x nabijasliajwan, me-ama xam, jachiliajwan — aechi Jesúsliajwa.

Jesús jumnot w_ut, jum-aechon:

—Diachw_uajnakolax xamalbej tajaxtat nabijasaxaelam. T_upaxaelambej. Me-ama xan, jachiyaxaelam.

⁴⁰ Pe tajkolalelje xamal chalakaliajwampox, puexa jiw tato'laliajwambej, xan s_uapich, japoxliajwa taj-ax Dios xan natapae-el tajut japox jumchiliajwan. Taj-ax Dios, japon pajut tapaejaxael tajkolalelje chalakaxaelpi, xan s_uapich, japiajwa chajia wechaemtas xotlisi —aech Jesús.

⁴¹ Asew Jesús pejnachala, diezpi, japox jumtaen w_ut, palalapi Santiagoliajwa, Juanliajwabej, w_uljow xoti japox.

⁴² Do jaw_ut, Jesús puexa pejnachala la, japi kaes moxliajwa Jesúsxot. Dolisi, japi kaes mox w_ut Jesúsxot, jaw_ut Jesús jum-aech pejnachalaliajwa:

—Xamal matabijam asat_uaj_nuchanpijw, Dios naexasis-eli, paklochow, japi tato'al w_ut, tato'la-el pachaempoxantat. Japi jiw tato'al pamamaxtat asew jiw matabijaliajwas japi kaes pejme paklochowpox.

⁴³ Pelax xamal jasoxtat tato'laximil. Nejmach-aton xamalxot kaes xabich paklonasia w_ut, japon majt xamal kajachawaesfalaxael.

⁴⁴ Nejmach-aton kaes paklonasia w_ut xamalxot, japon majt, me-ama esclavo w_ut, jachiyaxaelon xamalliajwa.

⁴⁵ Ja-aechlap-is xanliajwa. Xan, puexa jiw pakoewkolnan, fulae-enil ampathatat jiw xan

nakajachawaesfulaliajwa. Xanlax fulaekx jiw kajachawaesfulaliajwan, jiw bu'welijwanbej, wemosliajwan japi babijaxan ispoxan, tux wut cruztat —aech Jesús pejnachalaliajwa.

*Jesús boejthutpox itliaklan
(Mt 20.29-34; Lc 18.35-43)*

⁴⁶ Jesús, pejnachala suapich, pat Jericó paklowaxxot. Do baxael, japapaklowax nakolaxxot nakolaliajwa wut, xabich Jerico paklowaxpijiwbej nafulchala. Do jaxot kaen itliaklan ek japanambabu'tat, jiw xaxenapi wuljoeliajwa platafachan. Japon pawul Bartimeo. Japon Timeo paxulan.

⁴⁷ Do jawut, jumtaen wuton Jesús, Nazaret paklowaxpijin, mox xensaxaelpox, jawut, japon itliaklan nejlasful wut, jum-aechfulon:

—Jesús, David pamon, ¡xan nabeltaem! —aechfullison.

⁴⁸ Xabich jiw buxfiachpron boejlach ekaliajwa. Ja-aech wut, itliaklan kaes pejme nejlasful wut, jum-aechfulon:

—David pamon, ¡xan nabeltaem! —aechfulon, nejlasful wut.

⁴⁹ Do jawut, Jesús japox jumtaen wut, nukjabapon. Jum-aechon:

—jum-amde itliaklan xanlel fulaeliajwadin! —aech Jesús.

Do jawut, itliaklan las wut, jum-aechipon:

—¡Nejchachaemilde! ¡Nande! Jesús xam la moxliajwam japon poxade —aechipon.

⁵⁰ Do jawut, itliaklan thuch naxoelax asalelax-ach fo'a. Do jawut, nancha wut, moxdepon Jesús poxade.

⁵¹ Jesús wujnachaemt wut, jum-aechon itliaklanliajwa:

—¿Achaxasiamkat xam? ¿Achaxkat isaxaelen xam-liajwa? —aech Jesús itliaklanliajwa.

Itliaklan jumnot wut, jum-aechon:

—Jiw chanaekabuanan, jxan taesian! —aechon.

⁵² Jesús jum-aech:

—jXabua'de nejmach! Amwutjel xam pachaemam, chiekal naxanaboejtam xot —aech Jesús.

Do jawut, itliaklan chiekal taenlison. Jawutbej, Jesús nakfollison.

11

Jesús patpox Jerusalén paklowaxxot (Mt 21.1-11; Lc 19.28-40; Jn 12.12-19)

¹ Jesús, pejnachala suapich, pat mox Jerusalén paklowaxxot. Japi pat Betfagé paklowaxachxot, Betania paklowaxachxotbej. Jaxot olivonaechan nuil muxleltat. Jaxot Jesús kolenje pejnachalan wujna to'achon.

² To'a wut, jum-aechon:

—jXabua'de japapaklowaxach wujnadexot! Jaxotde pa'mach wut, taeyaxaelam bur jelti'san, wuke'taspon. Japabur chinax aton tua-ekalesalfuk. jJolde! Do jawut, jnawebuflaeman!

³ Jaxotpijin xamal wujnachaemt wut, jum-aech wuton: '¿Ma-aech xotkat bur joltam?' —aech wut, jum-amo japon aton: 'Wajpaklon wewe'pas bur.

Toet w_{ut}, pejme wiasaxaelon' —amo japon aton! —aech Jesús, b_{ux}to'a w_{ut} kolenje pejnachalanliajwa.

⁴ Do jaw_{ut}, japi kolenje f_{ula}echlisi. Patlisi japa-paklowaxachxot. Jaxot bafafatabijla bur jelti'san taeni. Bur ke'tas n_uamtat. Do jaw_{ut}, joltipon b_uflaeliajwadin Jesús poxadin.

⁵ Do jaw_{ut}, jaxot nuili j_um-aechi japiliajwa:

—Xamal, ¿achaxkat isam? ¿Ma-aech xotkat bur joltam? —aechi.

⁶ Jesús pejnachala j_umnot w_{ut}, j_um-aechi Jesús b_{ux}to'aspox. Do jaw_{ut}, jaxot nuili, japi tapaei Jesús pejnachala bur b_uflaeliajwa Jesús poxadin.

⁷ Do jaw_{ux}, japi b_u'pat w_{ut} Jesúsxot, tam-owalisi th_uch naxoeipoxan Jesús t_ua-ekaliajwa. Do jaw_{ut}, Jesús t_ua-eklison bur.

⁸ Jesús f_ulaeyaxaech poxade, xabich jiw th_uch naxoeipoxan ba'a n_uamtat. Asew japixot cha-aelnaedalan tasiapa, pa-_uafpi, owaliajwa n_uamtat Jesús pejw_uajnalel, sitaen xoti Jesús.

⁹ Asew japixot matxoela fol. Asew jiw w_uchakal folbej. Puexa jiw nejlasf_ul, xabich nejchachaemil xoti Jesúsliajwa. Nejlasf_ul w_{ut}, j_um-aechf_ulbejpi:

—¡Aleluya! ¡Ampon f_ulaenpon Dios pijaxtat! Samata, ¡xabich pachaempon!

¹⁰ ¡Pachaempon, Israel t_uaj_nu_pijiw pejrey! ¡Ampon rey chiekal tato'laxael! Me-ama wajw_uajnapijin, rey David, chiekal tato'al w_{ut}, jachiyaxaelon. ¡Dios, ath_upijin, japon xabich pachaem! —aechf_uli.

¹¹ Jasoxtat Jesús pat Jerusalén paklowaxxot. Dios pejtemplobaxot lech w_{ut}, puexa chiekal taenpon. Do jaw_{ut}, Jesús nawiat, doce pejnachala

sʉapich, Betania paklowaxach poxade, xabich tu-ila xotlisoX.

Jesús jʉm-aechpox, higonae baechjil wʉt
(Mt 21.18-22)

¹² Kandiawa wʉt, Jesús, pejnachala sʉapich, nakola Betania paklowaxachxot. Do jawʉt, Jesús litaxaela.

¹³ Atʉajxach wʉt, taenon higonae xabich pa-ʉafpox. Samata, mox taechon, pabaech wʉt tʉsliajwa, xaeliajwabej. Pe mox taech wʉt, japanae xabich pa-ʉafkal, naebaech naboematkoiya-el xotfʉk.

¹⁴ Do jawʉt, Jesús jʉm-aech higonaeliajwa:
—jKaes naboesaximil! jiw kaes nejbaech xaeyaxilbej! —aech Jesús.

Pejnachala jʉmtaen Jesús jʉm-aechpox.

Jesús to'apox nakolaliajwa Dios pejtemplobatat mowapi, wʉajtibej
(Mt 21.12-17; Lc 19.45-48; Jn 2.13-22)

¹⁵ Do jawʉt, Jesús, pejnachala sʉapich, pejme pat Jerusalén paklowaxxot. Do jaxotde wʉt, Jesús low Dios pejtemploba. Jaxot Jesús taen jiw mowapi, wʉajtibej. Jesús to'a japi jiw nakolaliajwa tathoetade. Plata xanafokpi pejmesan wefʉliaxabapon. A-u mowapi, japi pejtʉa-ekaxan wewʉlaejababejpon.

¹⁶ Jesús tapae-elbej jiw xalaeliajwa pejew Dios pejtemplobatathoetlel.

¹⁷ Naewʉajan wʉt, jʉm-aechon japi jiwliajwa:
—Dios pejjamechan, chajia lelspx, jʉm-aech Dios jʉm-aechpox pejtemplobaliajwa:
‘Tajba kawʉajnaba wʉlxael, pothatapijiw xan

nakaw_uajnalajwa' —aech Dios jum-aechpox. Pe xamallax Dios pejtemploba kethaka pejba padofam —aech Jesús.

18 Sacerdotespaklochow, judíos chanaekab_uanapibej, japi jumtaen Jesús jum-aechpox. Samata, nakaewa najum-aechi: “¿Machiyaxaeskát Jesús boesaliajwas?” —na-aechi nakaewa. Pe paklochow pejlewla Jesúsliajwa, puexa jiw xabich nejxasink xot Jesús naew_uajanpoxan.

19 Tuila wut, Jesús Jerusalén paklowaxxot nakolt, pejnachala s_uapich.

Higonae majowpox
(Mt 21.20-22)

20 Kandiawasap wut, Jesús, pejnachala s_uapich, xena wut, taenlisi higonae. Japanae chiekal majow. Tathinbej chiekal majow.

21 Pedro nejchafaet Jesús jum-aechpox higonaeliajwa. Samata, jum-aechon Jesúsliajwa:

—Jiw chanaekab_uanan, jnatachaemde higonae! Kaeliw xam jum-ampox higonaeliajwa, diachw_uajnakolax ja-aechlisox. Amwutjel chiekal majow —aech Pedro.

22 Do jawut, Jesús jum-aech pejnachalaliajwa:

—¡Dios chiekal xanaboejim japon xamal kachawaesliajwa!

23 Diachw_uajnakolax xamal Dios chiekal xanaboejam wut, jum-am wut ampam_uaxliajwa: ‘¡Napia'e amxot mar poxamik!’ —am wut, japam_uax napiasaxael jaxot. Pelax xamal kolonejchaxoelaxam wut Diosliajwa, ja-am wut, japam_uax napiasaxil.

24 Samata, xamal jum-an. Dios kawhajnam wut, ichiekal xanaboejim japon wuljowampoxan xamal chaxduiliajwa! Jasoxtat kawhajnam wut, diachwajnakolax Dios xamal chaxduiyaxael wuljowampoxan.

25 Xamal Dios kawhajnam wut, nalala wutfuk asan aton ispoxlajwa, ichamal japon aton beltaem! Ja-am wut, waj-ax Dios, athupijin, xamal beltaeyaxaelbej babijaxan isampoxanliajwa.

26 Xamal beltae-emil wut asew jiw, Diosbej xamal beltaeyaxil babijaxan isampoxanliajwa – aech Jesús pejnachalaliajwa.

Jesús whajnaemtaspox, achan to'aspon choef mowapi nakolax to'aliajwapon Dios pejtemplobatat

(Mt 21.23-27; Lc 20.1-8)

27 Jesús, pejnachala srapich, pejme pati Jerusalén paklowaxxot. Do jawut, Dios pejtemplobaxot laelpi. Jaxot sacerdotepaklochow, judíos chanaekabhanapibej, ancianosbej, japi mox soepa Jesúsxot.

28 Do jawut, Jesús whajnaemtas wut, jum-aechi:

–¿Achankat xam to'am choef mowapi nakolax to'aliajwam Dios pejtemplobatat? –aech paklochow, whajnaemt wuti Jesús.

29 Jesús jumnot wut, jum-aechon:

–Xan-is xamal whajnaemsaxaelen asax. ¡Majt chiekal najumno'e! Chiekal najumnotam wut, do jawux, xamalbej jumnosaxaelen xan nawajnaemtampox.

³⁰ ¿Achankat Juan to'as jiw bautisaliajwa? ¿Dioskaton to'as? O, ¿jiwkaton to'as Juan bautisaliajwa jiw? ¡Najumno'e! Chiekal najumnotam wut, do jawut, xamal jumchiyaxaelen, achan nato'apoxtat japox xan isx —aech Jesús paklochowliajwa.

³¹ Do jawut, japi nakaewa najum-aechi: “Xatis jumtis wut: ‘Juan Dios to'as jiw bautisafulaliajwa’ —tis wut, Jesús nakjumchiyaxael: ‘¿Ma-aech xotkat xamal naexasis-emil Juan jum-aechpox?’ —nakchiyaxael Jesús xatisliajwa.

³² Jumtis wutlax: ‘Juan jiw to'as jiw bautisafulaliajwa’ —tis wut, japox jumtis wut, jiw xabich palalaxael, puexa jiw jum-aech xot pejneychaxoelaxantat Juanliajwa: ‘Diachwujnakolax Juan, jiw bautisan, jum-aech Dios buxto'aspoxan’ —aech xoti” —aech paklochow nakaewaliajwa. Samata, japi paklochow xabich pejlewla jumchiliajwa japox Jesúsliajwa.

³³ Do jawut, paklochow jumnot wut, jum-aechi: —Jalape. Xanal matabija-enil, achan Juan to'as jiw bautisaliajwa —aechi.

Do jawutbej, Jesús jum-aech:

—Xan-is xamal jumchiyaxinil, achan nato'a xan japox isliajwan —aech Jesús paklochowliajwa.

12

Pamak babejchowpox

(Mt 21.33-46; Lc 20.9-19)

¹ Jesús jiw naewujajan wut, wujajantat jum-aechon: “Kaen aton uva mutha. Do jawux, uvalul

chaxajajial ia'tat. Isbejpon uva-ufan jukax uvalulxot. Do jawux, isbejpon japalultat cha-aelbach, athupox, uvalul tataeflaliajwa, uva foi wut. Do jawut, uvalulpijin asew pamakjiwliajwa wuljaet pejlul piach wetataeflaliajwas, japon pejwulela. Japi bu'pat wut, jum-aechon: 'Xan falaeyaxaelen asatujajnel atuj. Xan ajinil wut, xamal tajlul chiekal nawetataeflaxaelam' –aech uvalulpijin. Do jawux, chijialison.

² “Asamatkoi, uva foi wut, uvalulpijin kaen pamakan to'a, japon wuljaesliajwa uva pejpaklonliajwa. Do jawut, falaenlison uvalul poxadin.

³ Pe pat wuton uvalul tataefulpixot, japi jaelt falaenpon uva wuljaesliajwa. Do jawut, baespon. Do jawutbej, ke-etat nawiasax to'ason.

⁴ Do pejme uvalulpijin asan pamakan to'a. Jawut japon falaenlison uvalul poxadin. Pat wuton uvalul tataefulpixot, japi jaelt falaenpon uva wuljaesliajwa. Jawut xabich matnaeboesason. Juntisbejpon babejjamechan. Do jawut, ke-etat nawiasax to'ason.

⁵ Do pejme uvalulpijin asan pamakan to'a japon wuljaesliajwa uva. Dolison, pat wut uvalul tataefulpixot, uvalul tataefulpi boesa falaenpon uva wuljaesliajwa. Do jawut, uvalulpijin asew pamak to'a. Japi pat wut uvalul tataefulpixot, japibej baes. Asew japixot tup, falaeni uva wuljaesliajwa.

⁶ “Do jawut, uvalulpijin kaen wenamans to'aliajwa. Wenamanspon uvalulpijin paxulan, xabich nejxasinkpon. Do jawut, japon taxdukakolaxtat to'apon paxulan. Uvalulpijin nejchaxoel paxulanliajwa: 'Uvalul tataefulpi, japi

taen wut taxulan nawesitaeyaxaelipon' –aechon uvalulpijin, nejchaxoel wut.

⁷ Pe uvalul tataefulpi taen wuti uvalulpijin paxulan, nakaewa najum-aechi: '¡Tae'nik uvalulpijin paxulan! Asamatkoi pax naetap wut, japon pijax walxael, uvalul. Samata, ma amwut boesaxaeson uvalul wajaxkal chiekal namanaliajwa' –na-aechi nakaewa.

⁸ Uvalulpijin paxulan pat wut japixot, japi jaeltason. Do jawutbej, boesaspon. Jawut jutipon uvalulxot" –aech Jesús jiw naewetiliajwa.

⁹ Do jawut, Jesús wuajnachamt jiw naeweti japawuajan. Jum-aechon: "¿Achaxkat xamal nejchaxoelam uvalulpijinliajwa? ¿Achaxkat isaxael uvalulpijin uvalul tataefulpiliajwa? Xan tajut jum-an. Uvalulpijin chakifulaeyaxael uvalul tataefulpi kastikaliajwa, beliajwabejpon. Do pejme asew jiw tataeflax to'axaelon uvalul" –aech Jesús.

¹⁰ Jesús pejme jum-aech:

–Xamal bej xaljowambej Dios pejjamechan, chajia lelspos, jum-aech wut xanliajwa:

'Jiw ia'ba is wut, kaet ia'tliajwa nakaewa najum-aechi: "Ampot ia't chaemil" –na-aechi ia'tliajwa. Do jawux, asan aton japot ia't fit. Japon jum-aech japot ia'tliajwa: "Ampot ia't, puexa ia'xot, kaes pejme xabich pachaem taxso'tpijliajwa, ba chiekal mamnikaliajwa" –aechon.

¹¹ Samata, japox xabich pachaem xatiliajwa' –aech Dios pejjamechan, chajia lelspos, xanliajwa –aech Jesús, jiw naewuajan wut.

12 Do jawut, paklochow pajut matabija, Jesús jiw naewhajan wut uvalul tataefulpiliajwa, japo xjum-aechon paklochowliajwa. Samata, jawut Jesús jaelsasias buflaeliajwas, Jesús jiw jebatat jeliajwas. Pe paklochow pejlwla jiwliajwa. Samata, Jesús waelti tamach. Do jawut, fulaechlisi pejlel.

Impuesto mosaxliajwa, Jesús wñajnaemtaspo x (Mt 22.15-22; Lc 20.20-26)

13 Do jawux, paklochow to'a Jesús poxade, kaesurapich fariseos, Herodes pejmuprijawbej, Jesús asax jum-aech wut, tasalaliajwapi Jesús.

14 Do jawut, pat wuti Jesúsxot, jum-aechi:

—Jiw chanaekabñanan, xanal matabijax xam diachwñajnakolax chiekal jum-am. Xam buxdala-elbej diachwñajnakolaxpo x naewñajnalijwam puexa jiwliajwa, nejlewla-el xot jiw nejchaxoelpox xamliajwa. Xam naewñajnam diachwñajnakolaxpo x jiw chiekal duilaliajwa, me-ama Dios nejxasink. Samata, xanal matabijasian. ¿Pachaemkat xatis mosliajwas impuesto Roma tñajnuprijaw tato'lan? ¿Mosaxaeskata? O, ¿mosaxilsalkata? —aech paklochow, wñajnaemta wuti Jesús.

15 Jesús pajut matabijt tasalaxaespo x, jumnot wuton asaxtat wñajnaemtaspo xliajwa. Samata, Jesús jum-aech japiliajwa:

—¿Ma-aech xotkat xan naxapaejtam? ¡Nawexalae-man kaekafef xan taeliajwan! —aech Jesús.

16 Do jawut, xalaenlisi kaekafef Jesúslel. Jawut Jesús wñajnaemta wut, jum-aechon:

—¿Achan pejxu-aelkat ampakafeftat? ¿Achan pejwulbejkat ama lelspox ampakafeftat? —aech Jesús japiliajwa.

Do jawut, japi jumnot wut, jum-aechi:

—Roma tujnupijiw tato'lan, japon pejxu-ael, pejwulbej —aechi.

¹⁷ Do jawut, Jesús jum-aech:

—¡Roma tujnupijiw tato'lan, japon pejewpi japon chaxduim, motam wut impuesto! ¡Pe Dios pejewpi, Dios chaxduim! —aech Jesús.

Do jawut, japi jiw xabich natachaemana, Jesús chiekal jumnot xot.

Asamatkoi mat-eyaxespox tupi pejme duilaliajwa

(Mt 22.23-33; Lc 20.27-40)

¹⁸ Saduceos asanejchaxoelax. Japi jum-aech: “Jiw tur wut, kaelel chiekal napelt. Asamatkoi mat-eyaxisalbej pejme duilaliajwa” —aechi asbuan jumch. Do asamatkoi, kaesupich saduceos pat Jesús taeliajwa. Pat wuti, japi wujnachaemt Jesús.

¹⁹ Jum-aechi wujantat:

—Jiw chanaekabuanan, Moisés chajia lelpox jum-aech: ‘Aton pijow naetur wut naxwla-elaxtat, patupan pakoewan naman wut, japon japow fisaxael. Ja-aech wut, japon naxwlaaxael japowtat pakoewan taponliajwa’ —aech Moisés chajia lelpox —aechi Jesúsliajwa.

²⁰ Do jawut, japi kaes jum-aech: “Kaen aton seis pakoew. Matxoelapijin pawis fit. Pe baxael japon tur naxwla-elaxtat pijowxot.

²¹ Do jaw_{ut}bej, w_uchakalpijin japow fit. Pe baxael japonbej t_up nax_uwla-elaxtat japowxot.

²² Puexa japon pakoew, seispi, nadaepti nakjiyaxtat japowtat. Pe chinax kaen japixot nax_uwla-el japowtat. Do jaw_ux, taxdukakolaxtat japowbej t_up.

²³ T_upi mat-ias w_ut pejme duilaliajwa, jaw_ut sietepixot, ¿achankat pijowaxael japow?” —aech saduceos Jesúsliajwa.

²⁴ Jesús jumnot w_ut, jum-aechon saduceosliajwa:

—Xamal japox jum-am w_ut, nejmach jum-am, matabija-emil xot Dios pejjamechan, chajia lelspx, jum-aechpx. Matabija-emilbej Dios xaj_uppox puexa isliajwa.

²⁵ T_upi mat-ias w_ut japi duilaxael Diosxotse. Jaxotse poejiw, watho'bej, pejme nakjiyaxil. Meama Dios pej-ángeles nakjiya-el, jachiyaxaelbej, t_upi mat-ias w_ut pejme duilaliajwa.

²⁶ ¿Xamalkat xaljoe-emil Moisés chajia lelpox, t_upi mat-eyaxaespxliajwa pejme duilaliajwa? Japaw_uajanxot Dios chajia jumdu_t w_ut, jum-aechon boejtachnaechxotdin. Jaw_ut Dios jum-aech t_upi mat-eyaxaespxliajwa pejme duilaliajwa. Do jaw_ut, Dios jum-aech Moisésliajwa: ‘Xanfak amw_utjel Abraham, Isaac, Jacobbej, japi pejDiosnan’ —aech Dios.

²⁷ Samata, Dios naexasiti matabija, asamatkoi t_up w_uti pejme duilaxaelpx. Japi chiekal matabijabej, chajia w_uajna t_upi, japi napelselpox. Samata, Abraham, Isaac, Jacobbej, japi amw_utjel duilaf_ul Diosxotse. Xamal saduceos chiekal matabija-emil, jum-am w_ut: ‘Jiw t_up

wut, chiekal kaelel napelt. Tupi mat-eyaxisal pejme duilaliajwa' —am wut, —aech Jesús saduceosliajwa.

Dios pejtato'laxanxot, masox kaes pejme pachaem

(Mt 22.34-40)

²⁸ Jesús chiekal jumnot wut, saduceos, fariseos-bej, jawutbej kaen judíos chanaekabuanapon jumtaen. Samata, japonbej mox soepan Jesúsxot wujnachaemsliajwa. Do jawut, jum-aechon:

—Jiw chanaekabuanan, Dios xabich tato'al jiw naexasisliajwa. ¿Achatato'laxxotkat kaes pejme pachaem Dios tato'alpox jiw naexasisliajwa? —aech judíos chanaekabuanan.

²⁹ Jesús jumnot wut, jum-aechon:

—Ampawujajan kaes pejme pachaem jiw chiekal naexasisliajwa: 'Israel pamojiwam, jumtaem chiekal! WajDios, japon kaen wajpaklokolan.

³⁰ Samata, ¡chiekal nejxasinkde Dios wajpaklokolan! ¡Xabich nejxasinkdebej Dios puexa nejne-jchaxoelaxtat! ¡Xabich tanbichfuldebejpon puexa nejpmamaxtat!' —aechox.

³¹ Asawujajan, wuchakal pejuwujajan, Dios tato'alpox, japox jum-aechbej: '¡Chiekal nejxasinkde jiw! Me-ama xam najut nanejxasinkam wut, ¡ja-amde asew jiwliajwa!' Kolewujajan, Dios tato'alpoxan, japawujajanxot, do kaes asawujajan ajil, xabich kaes pachaemwujajan —aech Jesús judíos chanaekabuananliajwa.

³² Do jawut, judíos chanaekabuanan jum-aech Jesúsliajwa:

—Jiw chanaekabuanan, xam naksiyam diachwajnakolaxpox. Dios pejjamechan, chajia lelsopox, jum-aech: 'Dios kaen. Kaes asan Dios ajil' —aechox.

³³ Diachwajnakolax pachaem xatis Dios chiekal nejxasinkaliajwas puexa wajnejchax-oelaxtat. Pachaembej Dios tanbichliajwas puexa wajpamamaxtat, nejxasinkas xot Dios. Pachaembej asew jiw nejxasinkaliajwas. Me-ama xatis wajut nanejxasinkas wut, jachiyaxaes asew jiwliajwa. Japoxanlap xabich pachaem xatis isliajwas. Japoxlap kaes pejme pachaem Diosliajwa, naexasich wut japoxan. Me-ama choef chabowaspoxan altarmatwajtat Dios pej-ofrendaliajwa, jachi-el japoxan —aech judíos chanaekabuanan.

³⁴ Jesús jumtaen wut judíos chanaekabuanan chiekal jumnotpox, jawut Jesús jum-aech judíos chanaekabuananliajwa:

—Xamfuk kaeswajpich wewe'p chiekal naexasis-liajwam Dios —aech Jesús.

Doliso' jawut, jiw pejlewla kaes asax wujnachaemsaxtat xapaejsliajwapi Jesús.

Cristo, rey David pamonpox, pe Cristo paklonbej Davidliajwa

(Mt 22.41-46; Lc 20.41-44)

³⁵ Jesús jiw naewwajan wut Dios pejtemplo-batat, Jesús wujnachaemt wut, jum-aechon japi naewetiliajwa:

—¿Ma-aech xotkat judíos chanaekabuanapi jum-aech: 'Cristo nalaelt wut, japon rey David pamon-axael' —aechkat judíos chanaekabuanapi?

³⁶ David pajut jum-aech wut Espíritu Santo pijaxtat, jum-aechon Cristoliajwa:

‘Dios jum-aech tajpaklokolanliajwa: “¡Ekde tajpoklalel jiw tato'laliajwam, xan sapich! Ekam wutfuk tajpoklalel, xan malechaxaelen nadaelmajiw. Malechax wut, japi jiw naexaxisfulaxael xam tato'lampoxan” –aech Dios tajpaklokolanliajwa’ –aech rey David chajia lelsxot Cristoliajwa.

³⁷ David chajia jum-aechbej Cristoliajwa: ‘Tajpaklokolan’ –aechon Cristoliajwa. Samata, Cristo, diachwajnakolax rey David pejpaklokolanpon. Pe Cristo David pamonbej –aech Jesús pajutliajwa, jum-aech wut jiw chiekal jummatajibialiajwa japon Dios paxalanpon.

Xabich jiw nejchachaemil, jumtaen wuti Jesús jum-aechpox.

Jesús jum-aechpox jiw matabijaliajwa fariseos, judíos chanaekabwanapibej, pejbun'wajjanpox (Mt 23.1-36; Lc 11.37-54; 20.45-47)

³⁸ Jesús pejme jiw naewwajan wut, jum-aechon: –¡Chiekal taem! Me-ama judíos chanaekabwanapi, inabej ja-aeché' xamal! Japi nejxasink pakchownaxoeyaxan jiw chiekal sitaeliajwas. Nejxasinkbejpi jiw saludaliajwas xabich sitaeyaxtat, xabun'kulas wut paklowaxthialaxanxot.

³⁹ Japi judíos naewwaj nabachantat wut, wwanajna tuchalakaxan nuilpi paklochow kaes sitaenspi chalakaliajwapitat, japatua-ekaxantat japi chalak puexa jiw taeliajwas. Ja-aechbejpi, fiestanxot wut.

Japi nejxasink chalakaliajwa kaes pachaempox-antat.

⁴⁰ Japi naekichachajba watho', pamaljiw naetɯpspi, wenosliajwa japi watho' pejew. Lowpi judíos naewɯajnaba piach Dios kawɯajnalijwa, jiw taens wɯt jɯmchiliajwas: 'Diachwɯajnakolax ampi jiw xabich pachaem' —chiliajwas. Samata, Dios xabich kastikaxaesi —aech Jesús judíos chanaekabɯanapiliajwa.

Pamal naetɯpspow, kejilpow, chaxdutpox ofrenda Diosliajwa

(Lc 21.1-4)

⁴¹ Asamatkoi Jesús mox ek ofrenda jiaxot Diosliajwa, templobatat. Jaxot Jesús taen, jiw jia wɯt plata. Xabich kimaeya plata xabich jiapi.

⁴² Do jawɯt, jaxot patbej pamal naetɯpspow. Japowbej jek kolekafef Dios pej-ofrendaliajwa. Japakafefaex, cobrefaex, xabich omjillejen.

⁴³ Jesús japox taen wɯt, lalison pejnachala kaes moxaliajwadin japonxot. Jaxot wɯti, Jesús jɯm-aech pejnachalaliajwa:

—Diachwɯajnakolax xan jɯm-an. Ampow, pamal naetɯpspow, xabich kejil. Pe Dios kaes pejme nejchachaemil japow pej-ofrendaliajwa. Japow, me-ama kaes pejme chaxdut wɯt, ja-aechow Diosliajwa. Me-ama puexa asew jiw, chaxduw wɯt, jachi-elow japow.

⁴⁴ Puexa asew jiw chaxduw ofrenda wenaspoxantat. Japowlax wewe'paspoxanliajwa, puexa chaxdutow Diosliajwa —aech Jesús.

13

Jesús j̄m-aechpox Dios pejtemploba toesaxae-spoxliajwa

(Mt 24.1-2; Lc 21.5-6)

¹ Jesús nakolt w̄t templobaxot, kaen pejnachalan j̄m-aech:

—Jiw chanaekab̄anan, ¡tae'nik Dios pejtemploba, asabachanbej! ¡Japabachan xabich chimiabachan! ¡Japa-ia'bej xabich pinan̄! —aech Jesús pejnachalan.

² Jesús j̄m-aech:

—Xamal taenampi, pinabachan, japoxan asamatkoi chiekal toesaxaes. Asat̄aj̄n̄chanpijiw japabachan toesaxael. Dios pejtemplobabej toesaxaeli. Japox ja-aech w̄t, kaet ia't namanaxil nakae-ia'tmatw̄ajtat —aech Jesús.

That toepax mox paw̄ajna w̄t, majt matxoela jachiyaxaelpoxan

(Mt 24.3-28; Lc 17.22-24; 21.7-24)

³ Do jaw̄x, Jesús, pejnachala s̄apich, f̄laech Olivonaechanm̄ax poxade. Japam̄ax Dios pejtemplobatabijla ek. Jaxotde pa'a w̄t, Jesús ek, pejnachala s̄apich. Pedro, Santiago, Juan, Andrés, japi piajkal w̄t, w̄ajnachaēnti Jesús.

⁴ J̄m-aechi Jesúsliajwa:

—Jiw chanaekab̄anan, ¡xanal chiekal nachanaekab̄anim! ¿Masw̄tkat japox jachiyaxael, xam j̄m-amprox Dios pejtemplobaliajwa? ¿Achaxankat taeyaxaes, mox paw̄ajna w̄t, xam j̄m-amproxan jachiliajwa w̄t? —aechi.

⁵ Jesús j̄mnot w̄t, j̄m-aechon:

—¡Chiekal taem asew jiw xamal naekichachajbasamata!

⁶ Xabich jiw pasaxael, me-ama xan. Japi pajut najumchiyaxael: ‘Xan Cristowan’ —nachiyaxaeli. Pe japi Cristowaxil. Xabich jiw naexaxisaxaesi, japi naekichachajba wut.

⁷ “Asamatkoi xamal wultaenam wut soldaw xabich nabapox mox, o, atwaj, ixamal nabej nejlwle’! Japoxan majt jachiyaxael, mox pawwajna wut that toepaliajwa. Ja-aech wut, that toepax pasaxilfuk.

⁸ That toepax wwajna, xabichaxael nabewwajan. Nakaetwajnwpijiw nabeyaxael, nakaetwajnwpijiw swapich. Japoxan majt jachiyaxael asatwajnwchanlel. Kaetwajnwpijiw nabeyaxaelbej, asatwajnwpijiw swapich. Japox majt jachiyaxael asatwajnwlel. Asatwajnwlel xabich sat najaesaxaelbej potwajnwcha. Naxaeyaxan xabich ajilaxaelbej. Majt japoxan jachiyaxael, nabijasax twadusaxael wut jiw xabich nabijasliajwa. Me-ama watho’ naxwvlaliajwa wut, xabich wexaenkas, jachiyaxaelbej, japox twadut wut, jiw nabijasaxaelpox.

⁹ “¡Xamal najut chiekal natataefulde! Asew jiw xamal bwflaeyaxael paklochow poxade. Japi xamal kastikaxael judíos naewwaj nabachanxot. Nuilaxaelam paklochow pejwwajnalel, tajnachalwam xot. Jaxotam wut, xamal naksiyaxaelam xanliajwa.

¹⁰ Matdukamatkoi wwajna, potwajnwcha xamal naewwajanaxaelam chimiawwajan, Dios jiw bwweyaxaelpox.

11 Xamal buflaech wuti paklochow poxade, ixabich nabej nejchaxoele' jaxot naksiyaxaelam poboxanliajwa! Jawut naksiyaxaelam Dios buxto'apoxan xamal naksiyaliajwam. Najut nijaxtat naksiyaximil. Naksiyaxaelam Espiritu Santo pijaxtat.

12 Japamatkoiyan, xamal tajnachalwam xot, asew jiw xamalxot, pakoewkola buflaeyaxaes paklochow poxade, jaxotde beliajwas. Asew jiw-bej xamalxot, paxjiw, o, penjiwbej, buflaeyaxaes paklochow poxade, jaxotde beliajwas. Asew jiw-bej xamalxot, paxi buflaeyaxaes paklochow poxade, jaxotde beliajwas.

13 Puexa jiw xamal nejweslaxael, tajnachalwam xot. Pe kofa-emil wut Dios xanaboejampox, ja-am wut, hasta tɔpam wut, Dios xamal bu'weyaxael.

14 “ixaljowpon nej matabijs ampox! Xamal xaljowam wut, ichiekal matabijim! Xamal taenam wut xabich babejkolan Dios pejtemplobatutat, jaxot tapaeyaxisalpon leliajwa, jaxot wutlison, ja-aech wut, ipuexa Judea tɔajnuɔpijiw nej dukpe pinamuaxan poxade!

15 Do jawutbej, jiw nuili bachanmatwɔajtat, baloek wut, inej le-ele' pejbachan poxade pejew jukaliajwa, xadukpaliajwabejpi!

16 “Do jawutbej, jiw nabisti pejlulantat, ido jaxot kaweta kamta atɔaj nej dukpe! iJapi kaxa nej nawe-eledin pejbachan poxadin, pejew ponan wɔljaesliajwa!

17 Do jawutbej, watho', moejowpi, yamxi mitan miati, japi watho' xabich nabijasaxael.

18 Dukpam wut xabich nabijasasamatam, idios

kawajnafulde japox pasasamata, iama wut!

¹⁹ Dios that is wut, amwutjelbej, jachi-ellejen japanabijasax. Japamatkoiyantat xabich kaes nabijasaxaelam.

²⁰ Nabijasmatkoiyan piachaxael wut, jiw xajupaxil boejtaliasfulaliajwa. Samata, Dios tapae yaxil piach, pejjiw xabich nabijasliajwa. Jachiyaxael, Dios makanot wut Dios nejxasinkaspi.

²¹ “Asew jiw xamalxot jum-aech wut: ‘¡Tae'nik Cristo!’ o, asew jiw jum-aech wutbej: ‘¡Jaxotde Cristo!’ —aech wutbej, inabej naexasis!

²² Matxoela fulaeyaxaen naekichachajbapijiw. Japi pasaxaen, me-ama Cristo. Pe japi Cristowaxil. Asew jiw pasfulaxael, me-ama Dios pejprofetas. Pe japi Dios pejprofetakolaxil. Japi isaxael koechaxan, japoxantat japi jiw naekichachajbali-ajwa. Naekichachajbasiabejpi jiw, Dios naexasiti, japi jiw kofaliajwa Dios xanaboejapoxan.

²³ ¡Chiekal taem! Xan amprox jum-an xamal chajia chiekal matabijaliajwam, asamatkoi xamal naekichachajbasamata japi jiw” —aech Jesús pejnachalaliajwa.

*Jesús, puexa jiw pakoewkolan, pejme kaxax-
oekpox*

(Mt 24.29-35, 42-44; Lc 17.26-36; 21.25-36)

²⁴ Jesús pejme jum-aech pejnachalaliajwa:

—Nabijasmatkoiyan toep wut, juimt matkoipi-jinn kamta khatlaxael. Juimt madoipijinbej itli-akaxil.

²⁵ Ithaejanbej natacholnaxael. Puexa thatbaxo-
tatibej xabich nachoelaxael.

26 Do jawut, xan, puexa jiw pakoewkolnan, athulelsik fuloekx wut itloejentat, jiw xan nataeyaxael, paskax wut, puexa jiw tato'laliajwan. Do jawut, itliakaxaelen Dios pijaxtat.

27 Do jawutbej, xan to'axaelen tejew ángeles, pin-ia kola, japi pothata xajupaliajwa. Japi buflaeyaxaen jiw xanel, xan makanotxpikal.

28 “¡Chiekal nejchaxoelde, taenam wut higonae! Higonae pajel-uf nakola wut, ja-aech wut, xamal matabijam waech mox pawuajnapox.

29 Jachiyaxaelbej japoxan taenam wut, xan jum-anpoxan. Matabijaxaelam xan mox tawuajnapox pejme pasliajwan puexa jiw tato'laliajwan, taj-ax Dios suapich.

30 Diachwuajnakolax xan jum-an. Puexa xan jum-anpoxan diachwuajnakolax jachiyaxael. Asew jiw xamalxot japoxan taeyaxael, laelpifuk ampathatat.

31 Thatbaxo, ampathatbej, toepaxael. Pelax taj-jamechan toepaxil. Xan jum-anpoxan, japoxan diachwuajnakolax jachiyaxael.

32 “Puexa jiw matabija-el xan pasaxoekanmatkoi. Dios pej-ángelesbej matabija-el japox. Xanbej, Dios paxulnan, matabijs-enil japox. Kaen taj-ax Dios matabijt.

33 “Samata, ¡xamal najut chiekal natataefulde! ¡Pomatkoicha nawuajnawesfuldebej, xamal matabija-emil xot xan pasaxoekanmatkoi!

34 Xan pejme fuloekx wut athulelsik, me-ama kaen aton pejba naechijia wut, pejme kaxa nawia'an, xanbej jachiyaxaelen. Japon aton

tamach waelapon pamak pejbatat. Pamak kaenanula bichax chaxduwpon. Jam-aechon kaen pamakanliajwa: ‘¡Tajba chiekal nawetataefulde, nawhaj nawetam wut tajpasax!’ —aech aton pamakanliajwa. Do jawux, chijialison atuj.

³⁵ Xamalbej nawhaj nawetam wut, ime-ama ba tataeflan, ja-amsfulde xamal! Japon pomatkoicha ba chiekal tataeflaxael, matabijs-el xoton, maswut bapijin pejme pasaxael. Bej pasaxaelbejpon kaliax, o, pinmadoitat, o, nalianawhajna. O, pasaxaelon kandiawasap.

³⁶ Pamakan matabijs-el, maswut pejpaklon pasaxael. Samata, pomatkoicha chiekal w Haj nawesful, pejpaklon pat wut nejchachaem-laliajwa japiliajwa. Pejpaklon chatpasaxisal pamakan chiekal w Haj nawesfula-esalpoxtat.

³⁷ Xamal jam-anpox, jam-anbej puexa asew jiwliajwa. ¡Chiekal naw Haj nawesfulde!” —aech Jesús pejnachalaliajwa.

14

Judíospaklochow nejchaxoelpox jaelsliajwapi Jesús

(Mt 26.1-5, 14-16; Lc 22.1-2; Jn 11.45-53)

¹ Kaewaechful wut, judíos is Pascuafiesta nejkiowasamata pejw Haj napijiw nakolapox Egipto tujnuxot. Japafiestamatkoijan wut, judíos isbej asafiesta. Pan puthla-elpi xael, japafiesta wut. We’p wutfuk kolematkoije judíos tudusliajwa Pascuafiesta isax, jawut sacerdotespaklochow, judíos

chanaekabuanapibej, natameja piajkal. Japi jael-sasia Jesús naekichachajbapoxtat boesaliajwapi Jesús.

² Do jawut, nakaewa najum-aechi:

—Japox isaxisal fiestatat. Japox isas wut, jiw xabich palalaxael xatisliajwa. Ja-aech wut, jiwbej chamamosaxaelbej Jesús —na-aech paklochow nakaepaklochowliajwa.

*Pawis perjumamintat matnaechafanpox Jesús
(Mt 26.6-13; Lc 7.37-38; Jn 12.1-8)*

³ Jesús Betania paklowaxxot wut, paton Simón pejbatat. Japon Simón majt leprawaxae waechpon. Japabatat Jesús xael wut, kaeow atow xapat perjumamint batiajtat. Japabatiajt isas ia't, pawulpot alabastro. Japaperjumamint xabich ommaenk. Isas nardokal. Do jawut, batiajtwathit jalnatow. Do jawut, japow ta'chafan Jesús.

⁴ Asew jiw japixot japox taen wuti, palalapi japowliajwa. Do jawut, nakaewa najum-aechi:

—¿Ma-aech xotkat japow tabejt perjumamint?

⁵ Japaperjumamint xabich ommaenk. Japaperjumamint mowas wut, xabich plata kanaxaes, mema trescientos denarios. Ja-aech wut, japaplata chaxduiyaxaes kejila —na-aechi nakaewa.

Jasoxtat jum-aechipow, tabejt xotow perjumamint japontat.

⁶ Do jawut, Jesús japox jumtaen wut, jum-aechon:

—¡Nej ja-aече'! ¿Ma-aech xotkat japox jum-am japowliajwa? Japow japox is wut, pachaem xanliajwa.

7 Pomatkoicha xamalxotaxael kejila kajachawaesliajwam. Kejila kajachawaesasiam wut, kajachawaesaxaelam nejmachmatkoitat. Pelax xan piachaxinil xamalxot.

8 Japow japox is wut, ispow xajuppoxtat. Japow perjumamintat nata'chafan wut, nachawhajnaemt xan tajpatupaxliajwa namuthsliajwapox.

9 Diachwajnakolax xan jum-an. Tajnachala potajnaucha jiw naewhajan wuti chimiawhajan, tajwhajan, asew jiw naexasit wut bu'welijwas, do jawutbej, tajnachala jumchiyaxael japow ispoqliajwa xanliajwa. Jasoxtat puexa jiw nejchaxoelaxael japowliajwa –aech Jesús pejnachalaliajwa.

Judas Jesús padaelman nadofapox
(Mt 26.14-16; Lc 22.3-6)

10 Kaen Jesús pejnachalan, Judas Iscariote, japontat dosanpon, japon fulaech sacerdotespaklochow poxade nospaeliajwapon, japi shapich, asamatkoi Jesús wiasliajwapon japixot.

11 Paklochow japox jumtaen wut, xabich nechachaemil. Do jawut, jum-aechi Judasliajwa:

–Jesús wiatam wut xanalxot, xanal mosaxaelen –aechi.

Do jawux, Judas whaj nawet, ma ipachaemdo', japamatkoitat wiasliajwapon Jesús padaelmajiwxot.

Jesús xaelpox, pejnachala shapich, Pascuafiestanaxaeyax
(Mt 26.17-29; Lc 22.7-23; Jn 13.21-30; 1 Co 11.23-26)

12 Matxoelamatkoi fiesta wut, judíos xael wut pan puthla-eli, japamatkoi patlisox. Japamatkoi

ovejas jelti'tpi xua'at xaeliajwa. Jawut Jesús wuajna chaemtas pejnachala. Japi jum-aech Jesúsliajwa:

—¿Ampalelkat xanal naxaeyax isaxaelen Pascuafiestanaxaeyax xanal nabu'xaeliajwam? — aechi.

¹³ Do jawut, Jesús to'a wut kolenje pejnachalan, jum-aechon:

—¡Xabua'de Jerusalén paklowax poxade! Jaxotde kaen aton faenaxaelam, mint xafolpon. ¡Japon aton fulfalaem!

¹⁴ Lech wut ba, jum-amo japabapijin: 'Jiw chanaekabuanan jum-aech: ¿Ampabatutkat xan tajnachala bu'xaeyaxaelen Pascuafiestanaxaeyax?' —aech jiw chanaekabuanan —amo bapijin!

¹⁵ Do jawut, bapijin xamal itpaeyaxael athu pepiezax, japabatu pinjiyax. Chajia wuajna chiekal chaemtas. Jaxot naxaeyax xamal isaxaelam xatisliajwa —aech Jesús, pejnachala to'a wut.

¹⁶ Do jawut, Jesús kolenje pejnachalan fulaechlisi Jerusalén paklowax poxade. Jaxotde pa'a wuti, puexa, me-ama Jesús chajia jumentispi, japox ja-aech. Samata, jaxot islisi naxaeyax Pascuafiestaliajwa, Jesúsliajwa, asew pejnachalaliajwabej.

¹⁷ Tuila wut, Jesús, pejnachala suapich, pat japabaxot.

¹⁸ Do jawut, xael wut, Jesús jum-aech:

—Diachwuajnakolax xan jum-an. Kaen xam-alxot, xan suapich xaelpon, japonlap xan nawiasaxael tadaelmajiwxot —aech Jesús.

19 Pejnachala japox jumtaen wut, xabich nejxae-jwas. Samata, kaenanula wuajnachaeht wut, jum-aechi Jesúsliajwa:

—¿Xankatlap wiasaxaelen xam? —aechi Jesúsliajwa.

20 Jesús jumnot wut, jum-aechon pejnachalaliajwa:

—Kaen, xamalxot dosampim, japonlap xan nawiasaxael tadaelmajiwxot. Kaepaftat, xan sapich, panax taxthotpon, japonlap xan nawiasaxael tadaelmajiwxot.

21 Xan, puexa jiw pakoewkolnan, naboesaxaeli. Me-ama Dios pejjamechan chajia jum-aech xanliajwa, diachwuajnakolax japox jachiyaxael. Pe nawiasaxaelon tadaelmajiwxot, japonliajwa kaes pejme chaemilaxael. Kaes pejme pachaemaxael, japon nalaels-el wut ampathatat —aech Jesús pejnachalaliajwa.

22 Japi xael wut, Jesús panax fit. Do jawut, Jesús Dios kawuajan wut, jum-aechon: “Ax, gracias-an xanal pan nachaxdutampoxliajwa” —aech Jesús, Dios kawuajan wut. Do jawut, Jesús jalkafal pan, pejnachala kexadiajsliajwa. Chaxduwpon pejnachala xaeliajwa. Do jawut, Jesús jum-aech:

—¡Xaem ampapan! Japox, me-ama tajwit —aech Jesús.

23 Do jawut, Jesús copa chafit puexa pejnachala fiaflaliajwa. Do jawut, jum-aechon Diosliajwa: “Ax, gracias-an ampotliajwa nachaxdutampot” —aech Jesús pax Diosliajwa. Do jawut, japot chaxdutilson japi puexa kaenanula fiaflaliajwa. Do jawut, japi kaenanula puexa fiafal.

24 Jesús jum-aech pejnachalaliajwa:

—Ampot vino, me-ama tajjal. Xan tux wut puexa jiwliajwa, tajjal nakolaxael. Japox jiw naexasit wut, beltaeyaxaes babijaxan ispoxanliajwa tajjal pijaxtat.

25 Diachwajnakolax xan jum-an. Pejme feyaxinil vino ampathatat. Dios puexa pejjiw tato'almatkoi pat wut, japamatkoi pat wut, pejme pajelt vino feyaxaelen Diosxotse —aech Jesús pejnachalaliajwa.

*Pedro xanaliyaxaelpox Jesús pejnachalanpoxli-
ajwa*

(Mt 26.31-35; Lc 22.31-34; Jn 13.36-38)

26 Jajuiyax buxtoet wut salmos, fulaechlisi Olivonaechanmmax poxade.

27 Jaxotde pa'a wut, Jesús chajia jum-aech pejnachalaliajwa:

—Xamal nasalaxaelam nejlel, puexa kofaxaelam xot xan naxanaboejampox. Jasox jum-aech Dios pejjamechan, chajia lels wut xanliajwa: 'Boesaxaes ovejas tataefulpon. Ja-aech wut, pejew ovejas nasalaxael pejlel' —aech Dios pejjamechan xanxot xamal nasalaliajwampox.

28 Xan naboesa wuti, do jawux, Dios namatesaxael pejme dukaliajwan. Do baxael, xamal wajna xan pasaxaechan Galilea tajnuxotde —aech Jesús, chajia jum-aech wut pejnachalaliajwa.

29 Do jawut, Pedro jum-aech:

—Puexa asew nejnachala kofa wut pejxanaboejaxan xamliajwa, xanlax kofsaxinil tajxanaboejsax xamliajwa. Xan nakiowa xam xanaboejsfulaxaelen —aech Pedro Jesúsliajwa.

30 Jesús jumnot wut, jum-aechon Pedroliajwa:

—Diachwajnakolax xan jum-an. Ampamadoit-tat kawaema nejlac-el wutfuk kolevecas, xan nax-analiyaxaelam wut, jumchiyaxaelam tres veces: “Xan japon aton matabijs-enil” —chiyaxaelam xanliajwa —aech Jesús Pedroliajwa.

31 Pedro pejme jum-aech nejthua'axtat:

—Lach nejmachjiw najum-aechal wut xanliajwa: ‘Xam boesaxaelen, Jesús pejnachalnam xot’ —na-aechal wut, xan tajut xanaliyaxinil —aech Pedro.

Puexa Jesús pejnachala japox kaeyax jum-aechi, Pedro matxoelajum-aechpox.

*Pawaxot, Getsemaní, Jesús Dios kawajapox
(Mt 26.36-46; Lc 22.39-46)*

32 Do jawut, Jesús, pejnachala suapich, pat Getsemaníxot. Jaxotde pa'a wut, jum-aechon pejnachalialiajwa:

—¡Amxot chalakde! Xan wajaxaechan taj-ax Dios kawajalialiajwan —aech Jesús.

33 Jesús buflaech Pedro, Santiago, Juanbej. Do jawut, Jesús xabich nejxaejwas. Xabich nejchaxoelbejpon japon tuxaxaelpoxliajwa.

34 Jesús jum-aech pejnachalialiajwa:

—Xan xabich nanejxaejow. Nejxaejwaxtat, meama tuxasian wut, ja-an. ¡Amxot chalakde! ¡Naliasfuldebej! ¡Nabej moejs! —aech Jesús pejnachalialiajwa.

35-36 Do jawut, Jesús tamach kaes ataxach fulaech. Jaxotde brixtat nuk wut, sat makxabi-jindikón. Nejxasinka-elon japanabijasax moxpox japonliajwa. Samata, pax Dios kawajapox wut,

ǰm-aechon: “Ax, xam xajǰram puexa isliajwam. Xanliajwa asax isasiam wut, ǰnabǰwem nabijasax-aelenpox! ǰPe nabej is xan nejxasinkaxpox! ǰIsde xam nejxasinkampox!” —aech Jesús, pax Dios kawǰajan wut.

37 Do jawut, Jesús kaxade pejnachala poxade. Pe Jesús pejnachala nakiowa moejt Jesús wǰajna. Japixot pat wut, ǰm-aechon Simón Pedroliajwa:

—Simón, ǰma-aech xotkat nakiowa moejtam? ǰXamalkat xajǰra-emil naliasliajwam kaehora?

38 ǰNaliasfulde Dios kawǰajnalialajwam! Ja-am wut, Dios xamal kajachawaesaxael babijax isasamatam. Nejnejchaxoelaxantat isasiam pachaempoxan, xan ǰm-anpoxan. Pe nejǰan chiekal mamnika-el japoxan isliajwam —aech Jesús Pedroliajwa.

39 Pejme Jesús kaxade Dios kawǰajnalialajwa. Majt kawǰajanpox, pejme japox ǰm-aechon.

40 Jesús bǰxtoet wut, pejme kaxadin wut, pejnachala nakiowa moejtfǰki. Asbǰan ǰmch moejti, xabich itmoejsla xot. Matabija-eli ǰmchiliajwa, padala xoti.

41 Jesús pejme kaxade Dios kawǰajnalialajwa. Do jawǰx, pejme kaxadin wut pejnachala poxadin. Pat wuton japixot, japi nakiowa moejti. Do jawut, ǰm-aechon:

—ǰXamalkat moejtam, damlam xot? ǰNadoklado' moejsax! Amwut xan, puexa jiw pakoewkolnan, nawiasaxael babejchowxot.

42 ǰNanim! ǰChijas amxot! Mox fǰlaenlison xan nawiasaxaelon tadaelmajiwxot —aech Jesús.

Jesús jaeltaspox padaelmajiw
(Mt 26.47-56; Lc 22.47-53; Jn 18.2-11)

⁴³ Jesús naksiya wɔtfɔk, Judas pat. Japon kaen Jesús pejnachalan, japontat doce. Xabich bu'paton jiw. Japi xafol espada, iwabej. Japi jiw fɔlaen, to'as xoti sacerdotespaklochow, judíos chanaekabuana pibej, judíos-ancianosbej.

⁴⁴ Judas, wiasaxaelon Jesús padaelmajiw xot, japon chajia chiekal chanaekabuana japi jiw chiekal matabijaliajwapi Jesús. Jɔm-aechon: “¡Jaelde xan xusuiyaxaelenpon! ¡Chiekal buflaem wesamatapon!” —aech Judas, chanaekabuana wɔt japi jiw chiekal matabijaliajwa, achan Jesús.

⁴⁵ Do jawɔt, Judas mox soepan wɔton Jesús xot, kejacha wɔt, jɔm-aechon Jesús liajwa:

—¡Tajpaklon, xan patx! —aech Judas.

Do jawɔtbej, xusuwpon Jesús.

⁴⁶ Jawɔt Jesús jaeltas buflaeliajwas.

⁴⁷ Do jawɔt, Jesús pejnachalan, mox jaxot nukpon, jukcha pej-espada. Jawɔt nabichan cho'chikchapon. Cho'chikchaspon nabist sacerdotespaklokolanliajwa.

⁴⁸ Jesús jɔm-aech japi jiw liajwa:

—¿Ma-aech xotkat espada xafolam, iwabej, xan najaelsasiam wɔt? ¿Xankat, me-ama babejnan wɔt, kabuan-an xamalliajwa?

⁴⁹ Kaematkoisful xamal naewɔajnax Dios pe-jtemplobatat. Jaxot najaels-emil, Dios tapae-el xotfɔk xamal. Dios pejjamechan profetas chajia lelpo, jaxot chajia jɔm-aech japox jachiliajwa xanliajwa. Samata, ja-aechlisox —aech Jesús.

50 Do jawut, Jesús pejnachala puexa dukplisi asalel. Jesús tamach waeltas.

51 Jawut kaen pansian atuxach wulchakal fol, Jesús jaeltas wut. Japon, wuchakalfolpon, naxkiat sábanab'. Japonbej jaeltas.

52 Jaeltas wut, pejsábana wejaeltaspon. Jawut pejsábana jolchapon. Dolison b'jumchawiapon.

Jesús nukpox judíospaklochow pejwujajnael

(Mt 26.57-68; Lc 22.54-55, 63-71; Jn 18.12-14, 19-24)

53 Japi buflaech Jesús sacerdotespaklokolan pejba poxade. Jaxotde natameja puexa sacerdotespaklochow, judíos-ancianosbej, judíos chanaekabuanapibej. (Japi paklochow natameja wut, japox pawul Junta Suprema.)

54 Pedro atuxach wuchakal fol, Jesús bu'fos wut. Wuchakal paton sacerdotespaklokolan pejbafulmaktxot. Jaxot jit naksu'cha-ekon, Dios pejtemploba weti sapich.

55 Do jawut, sacerdotespaklochow, puexa judíos-ancianosbej, japi taesia Jesús tuxpox. Samata, japi nakaewa nawujajnaemti, Jesús pejbu'wujajan wut boesaliajwapi Jesús. Pe faenaeli Jesús pejbu'wujajanpox tasalaliajwapi.

56 Xabich jiw kichachajba Jesús tasalaliajwas. Japi wujajan chapaei wut, chiekal kaeyax chapaeeli, kichachajba xoti.

57-58 Asew jiw nana wut, jum-aechi:

—Xanal jumtaenx, Jesús jum-aech wut: 'Xan Dios pejba, jiw ispox, toesaxaelen. Do jawux, tres matkoi wut, xan asaba isaxaelen, jiw isaxilox' — aech wuton —aechi Jesúsliajwa.

59 Jesús jum-aechpox japi chapaei wut, chiekal kaeyax pae-eli.

60 Do jawut, sacerdotespaklokolan nanton puexa jiw pejwujnalel, wujnachaemsliajwapon Jesús. Do jawut, wujnachaemt wut, jum-aechon Jesúsliajwa:

—¿Ma-aech xotkat xam jumnos-emil? ¿Diachwujnakolaxkat japi jum-aechpox xamliajwa? —aech sacerdotespaklokolan.

61 Jesús boejlach nuk. Jumnos-elon wujnachaemtaspox. Sacerdotespaklokolan pejme wujnachaemt wut, jum-aechon Jesúsliajwa:

—¿Xamkat Cristowam, Dios to'asponam jiw bu'welialjwa? ¿Xamkatlap Dios paxulnambej? —aechon.

62 Jesús jumnot wut, jum-aechon:

—Diasdo'. Xanlap japonan. Xan, puexa jiw pakoewkolnan, xan ekaxaelen taj-ax Dios pejpoklalel. Japon pamamakolan. Jaxotse xan ekaxaelen, taj-ax sapich, jiw tato'laliajwan wut. Xamal japox taeyaxaelam, xan fuloekx wut athulelsik itloejentat —aech Jesús.

63 Do jawut, sacerdotespaklokolan pijax, naxoelax, thiakchapon, xabich palala xot Jesúsliajwa, jumtaen xoton Jesús jum-aechpox. Do jawut, jum-aechbejpon:

—Kaes asew jiw nakwewe'pa-el ampon aton tasalaliajwas.

64 Xamal najut chiekal jumtaenam, ampon aton jum-aech wut Dios nejweslapox. ¿Xamal achax nejchaxoelam ampon aton jum-aechpoxliajwa? —aech sacerdotespaklokolan.

Do jawut, puexa chiekal kaeyax nejchaxoel wut, jum-aechi:

—Ampon aton xabich pejbw'wajjan Diosliajwa. Wewe'pas kastikaliajwas, boesaliajwasbejpon — aechi.

⁶⁵ Asew japixot xuloyapi Jesús. Itfumataskbejpon. Do jawut, xutulapason kerixtat. Tulapas wut, jum-aechipon:

—Xam Cristowam wut, jum-amde! ¿Achankat xam xutulap? —aechi.

Do jawux, asew, Dios pejtemploba weti, japibej tulap Jesús.

Pedro xanaliapox Jesús matabijtpoxliajwa

(Mt 26.57-58, 69-75; Lc 22.54-62; Jn 18.15-18, 25-27)

⁶⁶ Do jawut, Pedro bafulmaktat nuk wut, kaeow atow pat Pedro nukxot. Japow sacerdotespaklokolan tanbistow.

⁶⁷ Japow taen Pedro jit naksu'chanukpox. Do jawut, chiekal natachaemtow Pedro. Jawutbej jum-aechow:

—Xambej nanamtam, Jesús Nazaretpijin sapich —aechow.

⁶⁸ Pedro pajut naxanalia wut, jum-aechon:

—Xan matabijs-enil xam najum-amrox. Xan japon aton matabijs-enil —aech Pedro.

Do jawut, fulaechlison bafafa poxade. Jaxot ataxach nuklison laleyaxxot. Do jawut, kawaema nejla.

⁶⁹ Japow pejme taen Pedro. Samata, jum-aechow asew jiw jumtaeliajwas, jaxoti:

—¡Ama kaen nuk, Jesús pejnachalan! —aechow.

⁷⁰ Do jaw_{wt}, Pedro pejme pajut naxanalia w_{wt}, j_{um}-aechon:

—Diachw_{haj}nakolax xan japon pejnachalna-enil —aech Pedro.

Do jaw_{ux}, jaxot nuili j_{um}-aechbej:

—Diachw_{haj}nakolax xam Jesús pejnachalnam. Xambej Galilea t_{haj}n_urijnam —aechi Pedroliajwa.

⁷¹ Pedro j_{um}-aech:

—Diachw_{haj}nakolax j_{um}chi-enil w_{wt}, ¡Dios xan nej nakastike! Xan matabijs-enil japon aton —aech Pedro, pajut naxanalia w_{wt}.

⁷² Do jaw_{wt}, kawaema pejme nejla w_{wt}, jaw_{wt} Pedro nejchafaet Jesús chajia j_{um}-aechprox, j_{um}-aech w_{wt}ton: “Kawaema nejlae-el w_{wt}fuk koleveces, xam naxanaliyaxaelam tres veces” —aech Jesús Pedroliajwa.

Do jaw_{wt}, Pedro xabich nejxaejwas. Jaw_{wt} xabich nowpon.

15

Jesús nukprox Pilato pejw_{haj}ajnalel

(Mt 27.1-2, 11-14; Lc 23.1-5; Jn 18.28-38)

¹ Nalian w_{wt}, sacerdotespaklochow, judíos-ancianosbej, judíos chanaekab_uanapibej, puexa judíospaklochowbej, japi puexa natameja kaeyaxtat chiekal nospaeliajwa. Do jaw_{ux}, Jesús b_u'follisi m_uaxmatakuyaxtat Pilato poxade. Do jaw_{wt}, wiatlisipon Pilatoxot.

² Do jaw_{wt}, Pilato w_{haj}nachaemt w_{wt}, j_{um}-aechon Jesúsliajwa:

—¿Xamkatlap diachw_{haj}nakolax reynam puexa judíosliajwa? —aech Pilato.

Jesús j_{um}not w_{wt}, j_{um}-aechon:

—Diachw_uajnakolax xanlap japonan, xam naj_um-amponan —aech Jesús Pilatoliajwa.

³ Do jaw_ut, sacerdotespaklochow nejmachw_uajantat xabich tasalapi Jesús.

⁴ Samata, Pilato pejme w_uajna chaemt w_ut, j_um-aechon Jesúsliajwa:

—¿Xamkat j_umtae-emil japi j_um-aechpox nejbu'w_uajanpoxliajwa? ¿Ma-aech xotkat xam j_umnos-emil japi j_um-aechpoxanliajwa? —aech Pilato Jesúsliajwa.

⁵ Do jaw_ut, Jesús kaes j_umnos-el. Boejlach nuklison. Samata, Pilato xabich nejchaxoela-ek Jesúsliajwa.

*Pilato to'apox Jesús kematamatlaliajwas
(Mt 27.15-31; Lc 23.13-25; Jn 18.38-19.16)*

⁶ Powaecha, Pascuafiesta w_ut, Pilato kaen aton nakolsax jitapaei, jiw jebatat jiaspon. Tapaeipon nakolsax judíos w_uljowpon.

⁷ Jaw_ut jiw jebatat jiaspoxot, kaen japixot paw_ul Barrabás. Japon, asew s_uapich, jiw ba, japi chajia naba w_ut, Pilato pejsoldaw s_uapich.

⁸ Do jaw_ut, xabich judíos pat Pilato pejbaxot. Pat w_ut, j_um-aechlisi Pilatoliajwa:

—¡Kaen jiw jebatat jiason, tapaem nakolsliajwa, me-ama powaecha xam jitapaeiam, Pascuafiesta w_ut! —aechi Pilatoliajwa.

⁹ Pilato j_umnot w_ut, j_um-aechon:

—¿Xamalkat nejxasinkam xan nakolsax tapaeliajwan judíos pejrey? —aech Pilato judíosliajwa.

¹⁰ Pilato japox j_um-aech, nejchaxoel xoton: “Sacerdotespaklochow wiati xanxot Jesús, japi

xabich nusasiawal xot Jesúsliajwa” —aech Pilato, nejchaxoel wut.

11 Do jawut, sacerdotespaklochow buxto'a japi jiw wuljoeliajwa Barrabás nakolsax tapaeliajwas. Buxto'a wut, jum-aechi: “¡Jum-amde Pilato: ‘¡Na-woesa nakolsax tapaem Barrabás!’ —amde!” —aech sacerdotespaklochow. Samata, japi jiw wuljoeful Barrabás nakolsax tapaeliajwas.

12 Pilato jumtaen wut japi jiw wuljoefulpox Barrabás, jawut Pilato japi jiw wuajnaem wut, jum-aechon:

—¿Machiyaxaelenkat Jesús, japon pawalpon Judíos Pejrey? —aech Pilato.

13 Do jawut, japi nejlasaxtat jumnot wut, jum-aechi:

—¡Japonlax kematamatalde cruztat tupaliajwa! —aech japi jiw, nejlasful wut.

14 Pilato jum-aech:

—¿Achababijaxkaton is cruztat kematamatlaliajwas? —aech Pilato.

Pe kaes pejme nejlasful wut, jum-aechfallisi:

—¡Kematamatalde cruztat! —aechfuli.

15 Do jawut, Pilato Barrabás nakolsax tapaei jiw jebaxot, japi jiw palalamata Pilatoliajwa. Do jawutbej, Pilato keto'a pejsoldaw Jesús selsliajwas. Selsax ketoech wut, Pilato keto'abej pejsoldaw Jesús kematamatlaliajwas cruztat.

16 Do jawut, Jesús bu'fos soldaw Pilato pejbafalmak poxade. Jaxotde puexa soldaw natameja.

17 Do jawut, xajoeslison pakchowax, me-ama rey pijax, jasox. Japox chikjiana pasoeyaxljen. Do jawut, na-e'lu xakoeyax ketoet wut, matluu'lisipon.

18 Do jawutbej, Jesús pejwuaajnalel jumtaxaxaelal wut, jum-aechi:

—¡Moi, judíos pejrey! —aechi.

19 Do jawut, kaenanula soldaw ta'be'balapi naeyatat Jesús. Loyasbejpon. Jesús pejwuaajnalel brixtat nuili. Me-ama sitaen wut, ja-aechi Jesúsliajwa.

20 Dolisi, ketaxaxaelax ketoech wut, joltlisi chikjiana pasoeyax. Do jawut, xajoeslison pejme pijaxkolax, naxoelax. Do jawut, bu'folisipon kemamatlaliajwas cruztat.

Jesús kemamatlaspox cruztat

(Mt 27.32-44; Lc 23.26-43; Jn 19.17-27)

21 Do jawut, kaen aton fulaen paklowax tathoetlel. Japon pawul Simón. Japon Cirene paklowaxpijin. Paxi pawul Alejandro, asan pawul Rufo. Simón xensliajwa wut, jawut soldaw xato'aspon xalaeliajwa Jesús pijax, cruz, Jesús xafolpox.

22 Japi soldaw buflaech Jesús muax poxade. Japamuax pawul Gólgota. (Gólgota jumchiliajwa hebreojametat: “Matnaethitmuax” —chiliajwa.)

23 Jaxotde Jesús chaxduchlach vino, mirra tanialtaspo, xabich wexaenkasamatas, kemamatlas wut. Pe Jesús fe-el.

24 Do jawut, Jesús kemamatlas cruztat. Pejtuakanbej matamatlas. Do jawutbej, soldaw

nakakujt ia'xix matabijaliajwa, achan kanaxael kaenanala Jesús pejnaxoe.

²⁵ Juimt atuajsan wut, a las nueve wut, Jesús kematamatlas.

²⁶ Jesús pejta' tabijla tablafach lelspx chaduch. Japox jum-aech, ma-aech xot Jesús kematamatlas cruztat. Japox jum-aech: “Ampon judíos pejrey” — aech lelspx.

²⁷ Jaxotde kematamatlasbej kolenje kethakan. Kaen chanuk Jesús pejpoklalel. Asan chanuk Jesús pejsoenalel.

²⁸ Jesús cruztat kematamatlas wut, asew kolenje sɤapich, japox ja-aechlisox, me-ama Dios pejjamechan, chajia lelspx, jum-aech: “Japon kastikaxaes. Me-ama babejen wut, jakechiyaxaeson” —aechox.

²⁹ Asew jiw, jaxot xaxenapi, jum-aech babej-jamechan Jesúsliajwa. Matnaexawiltbejpi. Matnaexawilt wut, jum-aechi:

—Xam chajia jum-am: ‘Dios pejtemploba xan toesaxaelen. Do jawɤx, tres matkoi wut, xan pejme mat-esaxaelen’ —am xam, chajia jum-am wut.

³⁰ ¡Amwutjel najut nabɤ'wem! ¡Baloemk cruzxotsik! —aech jiw xaxenapi Jesúsliajwa.

³¹ Do jawut, sacerdotespaklochowbej, judíos chanaekabɤanaribej, bɤ'wɤajanpaeipi Jesús. Nakaewa najum-aechi:

—Asew jiw bɤ'wiapon. Pe pajut xajɤpa-elon nabɤ'welijwa.

³² Diachwɤajnakolax Cristo wut, Israel tɤajɤpijiw pejrey wutbej, jamwutjel japon pajut nej baloesk cruzxotsik! Japox xatis taens wut, ja-aech wut, xatis japon naexaxisaxaes

diachwajnakolax japon Cristo –na-aechi nakaewa Cristoliajwa.

Japi kolenjebej, cruztat kematamatlaspi, Jesús sapich, japibej bu'wajanpaei Jesús.

Jesús tɔppox cruztat

(Mt 27.45-56; Lc 23.44-49; Jn 19.28-30)

³³ Juimt matnoch ek wɔt, xabich itkɔatnik tres horas. Japox ja-aech wɔt, ja-aech potɔajɔcha.

³⁴ Do jawɔx, a las tres wɔt, Jesús pinjemetat jɔm-aech: “Eloi, Eloi, ¿lema sabactani?” –aechon pejjemetat, hebreojemetat. (Japox jɔmchiliajwa: “Ax Dios, ax Dios, ¿ma-aech xotkat xan nakajachawaes-elaxtat nawaeltam tamach?” –chiliajwapox.)

³⁵ Asew jaxoti, japox jɔmtaen wɔt, jɔm-aechi:

–jɔmtaem! Japon wɔllalat Elías, Dios pejprofeta –aechi.

³⁶ Kaen japixot wɔljaet esponja, paputhkax, xathosliajwa vino, xathuyamint. Do jawɔt, esponja matakupon nae-oefat Jesús japox suiliajwa. Japon jɔm-aech asew jiw jaxotiliajwa: “Taeyaxaes. Elías bej fuloeyaxoekbej kusliajwapon Jesús cruzxotsik” –aechi.

³⁷ Do jawɔt, Jesús nejlakcha wɔt, tɔplison.

³⁸ Jesús tɔp wɔt, Dios pejtemplobatat pinabɔ', duchpox batutat, najɔpathiakchakas athɔlelsik satleldik.

³⁹ Soldawcapitán Jesús pejwajnalel nukpon. Taen wɔton Jesús tɔppox, jawɔt jɔm-aechon:

–jDiachwajnakolax ampon Dios paxɔlan! –aech capitán.

⁴⁰ Jaxotbej watho' at_{uax}ach nuil. Natachaemapi Jesús. Japixot María. Japow Magdala paklowaxpijow. Asaow paw_ulpowbej, María, japow José pen, Santiago penbej. Japon Santiago kaes pansian. Jaxotbej asaow, paw_ulpow Salomé.

⁴¹ Japi watho' Jesús naknan_uamt, pejnachala s_uapich, Galilea t_uaj_nu_xot. Japi watho' kajachawaetbejpi Jesús, nan_uamt w_uti Galilea t_uaj_nu_xot. Xabich asew watho' jaxotbej nuil. Japi watho' f_ulaen, Jesús s_uapich, Jerusalén paklowax poxadin.

*Pat_upan Jesús ochpox m_uaxw_uajtat
(Mt 27.57-61; Lc 23.50-56; Jn 19.38-42)*

⁴²⁻⁴³ José Arimatea paklowaxpijin. Japon judíos paklochowxot paklonbej, Junta Supremapijin. Japon xabich sitaens. Japon José w_uaj_nawet Dios puexa pejjiw tato'laxaelpox.

Napatamatkoi w_uajna, japamatkoi puexa jiw chiekal chaw_uaj_nachaemt napataliajwa. Japamatkoi paw_ul chaw_uaj_nachaemsmatkoi. Do jaw_ut, japamatkoi kaliax w_utlejen, José f_ulaech Pilato poxade. José pejlewla-el, pat w_uton Pilatoxot. José kaw_uajan Pilato fisliajwapon pat_upan Jesús.

⁴⁴ Pilato nejchaxoel: “Jesúskas kamta t_up” —aechon, nejchaxoel w_ut. Samata, Pilato w_ullala soldawcapitán. Soldawcapitán pat w_ut, Pilato w_uaj_nachaemt w_ut, jam-aechon soldawcapitánliajwa:

—¿Diachw_uaj_nakolaxkat Jesús t_up? —aech Pilato.

⁴⁵ Soldawcapitán jamnot w_ut, jam-aechon:

—Diasdo'. Jesús t_uplison —aechon.

Do jawut, Pilato to'a pejsoldaw, japi soldaw tapaeliajwapi José xalaeliajwa patupan Jesús.

⁴⁶ Do jawut, José wuajt chimiabu', sávana. Do jawux, José fúlaech patupan chanuk poxade. José pat wut patupan chanukxot, kuwpon Jesús kematamatlaspoخان, tuakmatamatlaspoخانbej, cruztat. Do jawux, José otlison patupan Jesús muaxwuajtat. Do jawut, ia't pinjit, jajaerat, matariamán muaxwuaj fakasliajwa.

⁴⁷ Jawut María Magdalena paklowaxpijow, asaow Maríabej, japow José pen, japi watho' taeni patupan muaxwuajtat ochxot.

16

Patupan Jesús mat-echpox pejme dukaliajwa (Mt 28.1-10; Lc 24.1-12; Jn 20.1-10)

¹ Do jawux, napatamatkoi toep wut, juimt tu-jop wut, María Magdalena paklowaxpijow, asaow Maríabej, japow Santiago pen, Salomé suapich, xabejasapan wuajti patupan Jesús joelaliajwa.

² Kandiawasap wut, dominkomatkoí wut, juimt julán wut, japi watho' fúlaechlisi patupan och poxade.

³ Japi watho' nuamtat fol wut, nakaewa najum-aechi:

—Patupan Jesús ochxot, japawuaj faka'ch ia't, pinjitat. ¿Achankat japot ia't wulnakwematariamán xatis leliajwas patupanwuaj? —na-aechi nakaewa.

⁴ Pe pat wuti patupanwuajxot, japi watho' taen ia't fafatat nuka-elpox. Asalelaxach nukox.

⁵ Samata, japi watho' low patupan ochxot. Jaxot kaen pansian taeni. Ekon poklalel. Naxoelox

xabich papoeyax. Pakchowaxbejpox. Japi watho' beljow, taen wʉti papoeyax naxoelan.

⁶ Do jawʉt, japon pansian jʉm-aech:

—¡Nabej belwe! Xan matabijtax, xamal fʉlaeman Jesús Nazaret paklowaxpijin taeliajwam, japon kematamatlaxtat cruztat tʉpon. Pe Jesús mat-echlison. Pejme amwʉtjel duklison. ¡Taem chiekal ochxot! Amxot ajillison.

⁷ ¡Xabʉa'de japon pejnachala poxade japi cha-paeliajwam! Chapaeyam wʉt, ¡Pedrofej chapaem! jʉm-amopi: 'Xamal wʉajna Jesús wʉajna xael Galilea tʉajna poxade. Jaxotde Jesús taeyaxaelam. Me-ama chajia jʉm-aechon xamalliajwa, jachiyaxaelon' —amopi, chapaeyaxaelam wʉt! — aech ángel.

⁸ Japi watho' japox jʉmtaen wʉt, jaxot nakolapi. Do jawʉt, dukplisi. Do jawʉtbej, xabich tathʉlal, beljow xoti. Chapae-eli asew jiw, xabich pejlewla xoti.

Jesús natulaeltpox María Magdalena paklowax-pijowxot

(Jn 20.11-18)

[
⁹ Napatamatkoi toep wʉt, dominkomatkoiliajwa nalian wʉt, Jesús mat-ech pejme dukaliajwa. Mat-ech wʉt, matxoela natulaelton María Magdala paklowaxpijowxot. Jesús, tʉpa-el wʉtʉk, siete dep nakolax to'apon japow pejmatpʉatxot.

¹⁰ María taen wʉt Jesús, jawʉt fʉlaechow Jesús pejnachala poxade. Japi wʉajna now, nejxaejwas xoti Jesúsliajwa. Jawʉt María chapaei taenpox.

¹¹ Jʉm-aechow:

—¡Jesús mat-echlison! ¡Amwütjel pejme duklison! ¡Xan tajut chiekal taenx Jesús! —aechow.

Pe Jesús pejnachala naexasis-el japow chapaeipox Jesús taenpoxliajwa.

Jesús natulaelt pox kolenje pejnachalanxot
(Lc 24.13-35)

¹² Do jawux, Jesús natulaelt kolenje pejnachalanxot, japi laelp wüt paklowax tathoetlel. Jesús natulaelt wüt, me-ama asan wüt, jakabuan-aechon japixot.

¹³ Do jawux, japi kolenje nawia asew pejnachala poxade chapaeliajwa taenpox. Japibej naexasis-esal, chapaei wüti Jesús taenpox.

Jesús to'apox pejnachala, japi naewhajnalijwa jiw
(Mt 28.16-20; Lc 24.36-49; Jn 20.19-23)

¹⁴ Do baxael, Jesús natulaelt once pejnachalaxot, japi naxael wüt. Jaxot Jesús lot pejnachala. Lot wüt, jam-aechon japiliajwa:

—¿Ma-aech xotkat xamal naexasis-emil? ¿Ma-aech xotbejkat matnaetinkam naexasisliajwam asew jiw, xamalxot nataeni, chapaei wüti xamal: '¡Jesús mat-echlison! ¡Amwütjel pejme duklison!' —aech wüt japi jiw? —aech Jesús, lot wüt pejnachala.

¹⁵ Jesús pejme jam-aech pejnachalaliajwa:

—¡Xabua'de puexa jiw naewhajnalijwam chimiawhajan, pothajnchanpijiw!

¹⁶ Xan nanaexasitpi, japi bautisam Dios bu'welijwas! Asew jiw naexasis-elpi, japilax Dios pelsaxaes infierno poxadik.

¹⁷ Xamal naexasisaxaelpi, japi jiw tajaxtat to'axaeli dep nakolaliajwa jiw pejmatruatanxot.

Naksiyaxaelbejpi asew jiw pejjamechan, majt matabija-eljamechan naksiyaliajwa.

¹⁸ Japi jom jaela wut, liklaxisal. Veneno af wutbej, tɔpaxili. Jiw bu'xaeya boejthɔsaxael, pejke-etat jacha wut –aech Jesús pejnachalaliajwa.

Jesús bu'fospox athɔ poxase
(Lc 24.50-53)

¹⁹ Do jawɔx, Jesús wajpaklokolan, naksiyax buxtoet wut pejnachalaliajwa, Dios bu'foslison athɔ poxase. Ma amwutjel Jesús ek Dios poklalel jiw tato'laliajwa, Dios sɔapich.

²⁰ Do jawɔx, Jesús pejnachala follisi potɔajɔnɔcha jiw naewɔajɔnaliajwa. Dolis japi naewɔajɔnalap chimiawɔajan, Jesucristo pejwɔajan. Ja-aech wut, Jesús kajachawaesful pejnachala. Naewɔajan wutɔi chimiawɔajan, isbejpi koechaxan. Samata, jasoxtat xabich jiw matabija chimiawɔajan diachwɔajɔnakolaxpox.]

Pajelwaaajan Dios pejjamechan
New Testament in Guayabero (CO:guo:Guayabero)
copyright © 2009 Wycliffe Bible Translators, Inc.

Language: Guayabero

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guayabero

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 18 Apr 2025 from source files
dated 29 Jan 2022
809259d4-ca58-5124-9a05-fd84078a3de3